

Oduber: Coronavirus lo impacta turismo



Pagina 31

- **Call center
pa reporta
coronavirus ta
habri**

Pagina 2

- **Stop di
duna man
pa preveni
Coronavirus**

Pagina 9

- **Seis morto pa
sobredosis
den prison**

Pagina 14



Pagina 3

Studentenan cu
protesta pacifico



Pagina 30

Guatemala ta lansa su prome
satelite



Wolff
campeon di
Campeonato
Nacional
bola 8

Pagina 20

Gobierno ta afirma cu Aruba ta prepara contra coronavirus

Call center pa reporta caso sospechoso ta habri awe



ORANJESTAD – A pesar cu gobierno a anuncia un call center y tambe e instalacion di un centro de diagnóstico, tin sector di nos comunidad cu ta skeptico

riba con urgente lo atende cu un caso sospechoso di coronavirus.

Sinembargo minister di Salubridad Publico, Dangui Oduber a trece un mensahe di confianza y credibilidad cerca nos comunidad pa haci uzo di e canal oficial den caso di un caso sospechoso di coronavirus, caminda lo atende cu nan diligentemente.

E hoben mandatario di salud ta haya importante pa comunidad por sinti e confianza cu tur atencion ta wordo duna na personanan cu tin e sintomanan di coronavirus. Oduber a bisa cu for di awe mainta e call center ta disponibel pa asina crea e confianza y credibilidad den comunidad

cu tur caso ta wordo tuma na serio. Nan por yama na 2800101 den caso necesario di sospecha pa por haci e test pa descarta of no e virus.

Te aworaki probablemente esey no ta e caso, ya cu localmente no tin niun hende sospecha cu e virus. Si den caso un caso lo sucede, esaki probablemente lo bini di un turista. Tanto premier Wever-Croes como Oduber a indica cu den caso cu ta wordo registra un caso di coronavirus, nos comunidad lo wordo informa debidamente. Aunke no ta descarta cu e coronavirus por haci su presencia na Aruba, mirando e casonan registra na Hulanda y den nos region, pero te aworaki no tin niun caso na Aruba.

Gobierno a reitera cu Aruba ta prepara pa atende cu e famoso virus aki. Ya cu no ta trata cu e virus aki no ta bati nos porta, sino ki dia e lo sucede y con bon nos ta prepara. Prome minister, Evelyn Wever-Croes hunto cu su colega di Turismo y Salubridad, a bisa cu a eleva nivel na esun di crisis pa tin fondo disponibel pa atende cune. Pues Aruba no ta den un estado di emergencia. Nan ta atendiendo cune riba tereno di Salubridad, Turismo y tambe pa bin cu plan di contingencia economico, mirando cu ya caba hotelnan a cuminsa registra cancelacion. Pero nan ta pidi pa evita cualkier ambiente di panico.

Awe premier Wever-Croes ta atende asunto di frontera cu Venezuela na Corsou

ORANJESTAD – Te ainda gobierno di Aruba no ta honra e peticion di gobierno Venezolano di presidente Nicolas Maduro pa Aruba habri su frontera.

Ayera prome minister, Evelyn Wever-Croes a laga sa cu e ciere di frontera a wordo

prolonga cu tres luna mas, te luna di juni. Mientras cu awe e ta bay atende un reunion na nivel di delegacion na Corsou pa evalua e solicitud haci pa e gobierno di e pais bisiña aki.

Premier Wever-Croes a bisa cu entre januari y comienso di februari, Venezuela a pidi

pa sinta cu Aruba na mesa pa cuminsa papia riba habrimiento di frontera. A pesar cu e ciere di nos frontera cu Venezuela a wordo prolonga, e ta considera importante pa sigui papia.

Nan tabatin un reunion na inicio di aña, pero Venezuela

su delegacion no por a yega. Awor e reunion ta tuma lugar awe mes na Corsou. Aruba no ta haya prudente ainda pa habri e frontera pa trafico di hende, principalmente dilanti di e reto nobo cu tin rond di e coronavirus.

E no ta descarta e posibilidad

di habri e frontera maritimo pa sigui importa fruta y beldura bao cierto condicionnan. E mandatario a defini esaki como e meta di e reunion, caminda nan ta delibera y mira na ki condicionnan bilateral nan lo por yega riba un eventual reapertura.

WEB no a consulta cu minister di utilidad riba fecha nobo di cobransa

ORANJESTAD – Prome minister Evelyn Wever-Croes, como minister en-carga cu asunto general y di utilidad, no a wordo consulta door di e com-

pania di utilidad WEB pa introduci un fecha nobo di cobransa.

“Pa mi ta hopi honesto cu bo, ami a haya esaki apenas algun

dia pasa,” el a bisa. E cambio aki a conduci cu WEB su clientenan – cu ta henter comunidad – mester paga dos cuenta di awa e luna aki.

Ta asina cu clientenan di WEB a haya via post un carta di notificacion of noticia importante acompaña cu un recibo di cobransa di e cuenta di awa di februari 2020, cu ta caduca dia 12 di maart awor. Kiermen e luna aki, e clientenan di WEB no solo mester paga e cuenta di awa di januari 2020 cu a caduca ayera 9 di maart, sino cu mester paga otro recibo di luna di februari cu ta caduca aki dos dia. E decision aki a cay pisa pa e famianan cu no tin e condicion of farsa financiero pa atende cu dos recibo di pago pa e mesun servicio cu tres dia di diferencia riba e ultimo fecha di pago.

Premier Wever-Croes ta haya cu e no a wordo consulta, ya cu nan ta considera cu no ta cosnan cu nan como empresa estatal no mester consulta cu gobierno. El a laga sa cu e compania estatal ta tuma e decision di operacion riba su mes. Sinembargo, e ta haya

cu esaki ta un tema pa atende cu WEB, y te ainda e no a haya e contesta riba e decision aki. Tambe otro tema cu e mester consulta tin di haci cu e prijs di tarifa di servicionan publico, awor cu e prijs di combustibel a baha di un forma drastico.

E compania a splica cu na luna di november ultimo nan a informa di e cambio relaciona cu e fecha ultimo di pago, caminda nan ta introduci un fecha nobo, diferente di e fecha fiho custumbra cu tabata dia 9 di cada luna.

E biaha aki e ultimo fecha pa paga e cuenta di februari a bira 12 di maart awor. Y cada cuenta cu lo bini despues ta depende di e dia ariba cual a lesa bo meter di awa den e luna anterior. WEB ta aclaria cu den todo caso, e lo caduca 30 dia despues di a lesa e meter.



Studentenan cu protesta pacifico pa duna apoyo na docente di ley

ORANJESTAD – Ayera merdia, un grupo di estudiante di Facultad di Ley di Universidad di Aruba a dicidi di tene un protesta pasivo como sosten na e docente mr. dr. Ryçon Santos do Nascimento, ken segun nan mes a sigura, Universidad di Aruba no tin ningun motibo pa retira di su funcion.

Gerick Croes, master estudiante di facultad di Derecho di Universidad di Aruba, a declara cu nan como estudiante kier pone un enfasis cu ayera nan a haci uso di nan derecho como ciudadano pa expresa nan opinion, preocupacion y alabes nan sentimento.

Di esaki el a señala cu nan ta espera cu den un comunidad democratico cu ta respeta su mes lo no tin ningun tipo di repercusion contra ningun estudiante cu a dicidi di uni e protesta aki.

Asina mes, el a bisa cu Universidad di Aruba ta e cas pa desaroya futuro profesionalnan, pero accionnan cu ta tumando den relacion cu e posibel retiro di e docente Santos Do Nascimento ta mustRANDO lo contrario.

Loke nan tabata kier demostra ta e balor cu e docente tin pa su studentenan y e balor cu tin pa Universidad di Aruba mes. Santos Do Nascimento ta docente di staats en bestuur recht y nan como studentenan di Derecho, tin solamente notanan positivo di dje pa trece dilanti.

“Ryçon su envolvimento cu e comunidad di Aruba ta notabel den tur aspecto” Croes a manifesta, asina tambe a duna di conoce cu Santos Do Nascimento a conseha Parlamento di Aruba y hasta Gobierno relaciona cu geschillenregeling den reino.

Cristian Soto Garcia, ken tambe ta estudiante di Ley, a trece dilanti cu e ta un docente cu for di comienso di su carera ta causa un impacto positivo riba mayoria di estudiante.

Asina mes, Soto Garcia a señala cu nan ta haya ‘jammer’ con e situacion ta canando y nan mes cu a scucha rumor. Ta tristo cu scol mes no a duna di ningun manera e intencion concreto di locual nan kier haci y tampoco splica kico e problema real ta. Pa nan como estudiante esaki ta nifica un escenario un tiki fastioso, pa motibo cu Santos Do Nascimento ta nan docente directo cu ta motiva nan y kende nan ta aprecia.

“Nos ta pidi autoridadnan di universidad pa reconsidera locual nan kier haci pa no perhudica nos como estudiante y alabes perhudica yiu di tera”, Soto Garcia a sigura.

Di loke ta trata e motibo di retiro, Bon Dia Aruba a puntra si ta berdad cu nan ta pensa cu ta existi persecucion politico relaciona cu retiro di e docente Santos Do Nascimento. El a contesta cu nan no sa si esey ta berdad. Di su banda e no ta pensa cu esaki tin di haci cu politica.

Na luna di december ultimo, studentenan a manda un carta pa minister di Enseñansa, Armando ‘Rudy’ Lampe y rectorado di universidad tambe a ricibi e carta ey. Nan a ricibi contesta pa e carta bisando cu nan lo tin den consideracion e deseeonan di estudiante.

“Den papel nan a pone esey, pero e intencion cu nos ta ripara ta diferente”, el a aclaria.

For di e momento ey, te ainda nan como estudiante no sa actualmente cua ta status di e docente den universidad y Soto Garcia a afirma cu loke nan a compronde ta cu Santos Do Nascimento a ricibi un pakete, pero esey no ta confirma te ainda.

Di otro banda, docente Ryçon Santos do Nascimento a ofrece su declaracion pa e medianan local, den cual el a expresa cu e problema a cuminsa na 2016 ora el a promove riba su Proefschrift Koninklijk Onsluierend na unda un profesor di dje a duna recomendacion pa e por haya e puesto di Hoofd Medewerker.

Un posicion similar cu segun e mes a sigura, e rector mes a yud’e den training pa haya e funcion. Pero na final e rector a cambia e maneho, mustRANDO cu esaki ta un exigencia di Senior Kwalificatie Onderwijs (SKO).

Santos Do Nascimento a agrega cu locual rector di universidad a haci ta cu el a aumenta e exigencianan pa e posicion, di un manera cu niun hende por haya na e lugA aki cu ta cumpli cu e rekisito. Asina mes el a declara cu ningun di hefe di empleado ta califica pa e funcion aki.

Ademas, Santos Do Nascimento a entrega un keho pa minister di Enseñansa y a base di e peticion ey, el a confirma cu universidad kier impone diferente castigo disciplinario, bisando cu locual el a bisa ta un mentira.

Igualmente, el a declara cu en bes di bay riba contenido, tabatin diferente forma pa menasa Santos Do Nascimento cu medidanan ta bin.

A puntra si e situacion aki tin di haci cu aspecto politico y el contesta cu den su combersacion cu Lampe e no a haya cu minister ta presiona universidad. Lo cual si ta berdad ta cu rector ta presiona Santos Do Nascimento pa tuma distancia for di Partido AVP, na cual e ta duna cursonan y organisa eventonan pa aumenta e participacion democratico, segun el a expresa.

“Mi no mester pidi permiso pa mi libertad politico ni pa mi por vocifera mi opinionnan, pasobra esey ta mi derecho fundamental”, el a bisa.

Asina mes, Bon Dia Aruba a haya contacto cu rector di Universidad di Aruba, Glenn Thode pa conoce e otro banda di e medaya. El a declara cu tin un proceso andando den e relacion entre dunado di trabou (Universidad di Aruba) y un trahado specifico (sr. Santos do Nascimento). Algun estudiante anteriormente tambe a laga sa pa medio di carta cu nan ta contento cu e docente.

“Como Universidad nos a laga e studentenan sa cu nos lo tene cuenta cu nan interesnan y opinion”, Thode a manifesta. Mientras e proceso den e relacion laboral ta andando, como dunado di trabou responsabel, nan no ta haya corecto pa drenta den detayenan di e proceso aki. Si despues cu e proceso ta tras di lomba lo ta necesario ainda pa splica e proceso den mas detaye y esaki lo ta corecto, Universidad di Aruba lo haci esaki.



Di 24 caso di abuso y maltrato cu yega hospital, 80% ta incest



ORANJESTAD – Departamento di Asunto Social a comparti con nan ta premira 2020 pa locual ta trata Social Crisis Plan. Tambe a duna un update di aña 2019, cu mas cu 90% di proyecto ta den ehecu- cion.

Director Glenda Hernandez a duna di conoce tin 31 proyecto cu ta siendo ehecuta y esey ta e prome stap cu nan a cuminsa. Social Crisis Plan ta pa pone e base na ordo, mirando cu esey no tabata e caso. Segun Hernandez a bisa, tabatin un ‘forma di crisis profesional andando’. Un ehempel cu el a menciona ta e subsidio riba e tereno social, cu a bay di 122 miyon pa 50 miyon den algun tempo.

E ta bisa cu mientras e organisacion a bay atras, e poblacion a redobla. “Nos ta

mira cu nos servicio social no a crece conhuntamente cu e poblacion. Nos a bay di 60.000 persona di aña 1990 y pa aña 2010 a bay na 110.000; sinembargo unda e servicio social a keda?”

Hernandez a cu poblacion lo sigui crece, mirando cu industria hotelero ta sigui crece y lo importa hende di afo. E ta remarca cu no tur hende di afo ta trece criminalidad, pero ta laga persona sin trabou di barionan cu problema social.

Pa e motibo aki por ripara e mesun fout ta andando. Mester bin cu un maneho pa preveni, mirando cu cada persona cu bin pa traha den sector hotelero ta trece acerca 3 of 5 persona den e famia cu mester vivienda, placa pa nan cartera y esey ta rekeri tambe servicio social.

Si e departamento di servicio social no ta crece kico ta haya? Hernandez ta contesta cu ta haya cu ta bira un situacion cu ta trece stress y confrontacion cune. “Ora nos a cuminsa cu Social Crisis Plan na november 2018, a mira cu servicio no tabata na su luga. Nos a bisa Departamento di Recurso Humado cu DAS a perde 25 profesional, di nan 12 trahado a bin bek.” DAS no ta e unico departamento cu e perde trahado, pero Voogdijraad tambe a perde y ‘masha tiki a bin bek’.

A puntra Hernandez con por duna servicio na bon nivel mirando cu no tin trahado pa atende cu e problema. E ta bisa cu pa 2019 a pone ordo den e departamento, awo cu e prome dos luna di 2020 mayoria ta poni den ordo y a haya e personal. Tambe personal ta ricibiendo training di

‘signs of safety’, caminda 160 persona a ricibi e training.

Segun Hernandez ta bisa cu esey ta importante pa motibo cu ora un mucha ta insegur, un persona cu training ta trata compromete henter e famia y ambiente di mucha pa traha un plan cu ta sigur pa e mucha.

Ta papia di 4 sector, e sector huridico, social, salud publico y educacion ta esunnan cu a haya training y ainda 130 otro profesional lo ricibi training. Tambe nan lo cuminsa cu codigo civil cu lo bin den vigor.

A papia cu diferente departamento di ambulance, dokter, especialista, maestronan di scol y esunnan riba tereno social pa bisa cu lo bay tin codigo caminda por detecta cu e mucha ta wordo abusa of maltrata. E meta di e codigo ta pa proteccion hubenil/infantil.

Lo tin diferente stap, manera con ta reconoce un abuso? Kico pa haci ora reconoce un señal di abuso of maltrato? E persona por papia cu colega ora ripara cu algo ta robes cu mucha – manera plekinan. Tambe por papia cu mayornan, por puntra of bisa kico a ripara di e mucha y kico ta pasando, sea algun malesa of circunstancia medico. Asina lo tin algun otro stap con pa actua.

Nan ta purba pone e profesional na altura pa nan actua. Hernandez ta comparti cu pa hopi aña, esey no tabata pasa. E ta bisa cu antes tabata sconde of no mag comparti informacion di mucha cu colega, sinembargo, ‘awo ta bisa actua riba dje’; ley ta bisa tin cu actua.

Si wak algo den e mucha/hoben, tin cu actua. “Pa es motibo a trata pa haci e codigo prome cu e ley dreña na vigor na mei di e aña aki. Esey ta intencion pa e ley, pa asina tin profesional cu por sa kico pa haci ora un situacion presenta.”

Hernandez ta duna di conoce cu pa e aña aki hopi cosnan ta bay sucede como ‘one stop shop’. Esey ta nifica cu persona cu ta confronta cu violencia, caso di abuso, mucha cu a wordo abusa fisica- of sexualmente por wordo atendi na un solo luga.

Tambe el e comparti cu pa luna tin 25 caso severo cu ta yega na hospital pa violencia y maltrato. Segun Hernandez, psiquiatra a bisa cu hopi di nan ta caso di incest. Tambe cuerpo policial a mira e cantidad di caso di violencia den cas, cual ta 150 caso, ‘esey ta den low season’.

Den temporada di carnaval tin entre 300 pa 350 caso sea den cas of riba caya. “Nos tin un nivel halto (di violencia) den nos comunidad. E meta ta pa combati e crisis social aki – y pobreza no ta cay den esey. Mi kier a laga cla.”

Social Crisis Plan ta pa combati violencia y mas tanto bou di mucha y hoben. Pa sociedad por combati e nivel di violencia cu tin. Pa profesional por duna ayudo y trece cambio den e servicio.

Motibo di e ‘one stop shop’ ta pa tin un solo departamento unda ta duna e calidad di servicio mas halto; ‘un post-bode’ unda tur papel ta keda un caminda y ta wordo atendi na un solo luga ‘manera debe ser’.

A puntra Hernandez si e casonan cu ta yega hospital ta esunnan cu ta keda mescos of ta keda cambia. El a contesta cu no por bisa; sinembargo e ta bisa cu 80% ta incest, agregando cu mester bin un investigacion.

Tambe a menciona cu tin un investigacion andando caminda a bisa cu 68 mucha di scol secundario na San Nicolas cu duna cla cu 67% ta muchanan cu a wordo abusa di golpi. “E ta un cifra halto, 7 di 10 mucha ta wordo dal na cas violentamente, 42 mucha negligisha y 20% ta wordo abusa sexualmente.”

Segun Hernandez ta bisa cu ta algo grave pa un isla y un solo scol cu a duna resultado aki y por imahgina na tur e otro scolnan di Aruba ‘no ta ainsa cu nos ta bay drecha tur cos’ pero si tin yiu, mayornan tin cu zorg pa e seguridad di muchanan.

Nan meta ta pa yuda tene e mucha/hoben saludabel, sinembargo no por haci tur cos ‘abo como mayor a escohe pa haya yiu’. “Nos di gobierno ta sostene mayor ora cu wak cu mester, tambe gobierno por takeover un mucha ora cu e problema ta grave y no ta wordo yuda”, el a bisa.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Leo Maduro (hefe de redaccion)
Nicola Gonzalez (redactor ehecutivo)
Pilar Flores (redactor ehecutivo)

Redaccion

Benjamin Romero
Kenna Hernandez
Andreina Morillo

Departamento Digital

Juan Luis Pinto

Ehecutivo di Benta

Sulaika Croes

email: sulaika.croes@cspnv.com

Linda Reijnders

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza
email: accounting@bondia.com

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Luis Villegas
Associated Press
Ret Karibense
Upload Media Aruba

Afiliacion

Sociedad Interamericana
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Presupuesto por fin cla... *Critica a keda mescos...*

Porfin, despues di tanto luna presupuesto 2020 a yega parlamento. E curiosidad si tabatin cambio grandi aden a keda poni un banda di biaha, no tin tanto novedad compara cu loke a bira conoci a traves di informacion duna anteriormente. Esaki tambe via loke tabatin den e critica di CAft den nan conseho riba e proyecto di ley preliminar, manera nan mester duna prome cu trata e ley den parlamento. Ta bin ainda nan evaluacion despues cu e ley keda aproba den parlamento proximamente.

En general, e critica di CAft, demasiado enfasis riba logra mas entrada y demasiado poco atencion pa baha gasto, a haya su repiticion cerca Consejo Consultivo (Raad van Advies; RvA). Basicamente e entradanan proyecta pa 2020 ta percura pa cubri un aumento di gasto di alrededor di 60 miyon, mientras ta cubri tambe e surplus cu ta na mas di 40 miyon florin. Ademas e critica ta cu tin demasiado entrada cu ta muestra incidental y ta carece di un base structural. Tambe e hecho cu awor nos ta na maart caba y pa mas tempran e cambianan den ley pa BBO riba importacion, tax riba divisa, etc. por ta na vigor entrante 1 di april 2020, ta causa caba cu e entradanan lo ta menos cu loke ta calcula a base anual. Naturalmente cu gobierno a reacciona bisando cu nan ta confia cu tin suficiente entrada incidental pa cubri e contratiempo aki, algo cu nos ta haya un poco curioso... Si bo sa sigur cu bo ta bay haya cierto entrada den cierto aña, esey segun nos no ta 'windfall revenue' ('meevaller') mas; esey ta parce nos entrada regular anticipa, y lo mester ta hustifica den presupuesto.

Pero enfin, e presupuesto t'ey, cu su aumento drastico di e placa cu mester bin di e cartera di e ciudadano, pa cubri aumento di gasto y percura pa e surplus acorda cu Hulanda tambe t'ey. Lo tin un mayoria (preta) pa pasa presupuesto y e ley cu tur e cambianan fiscal cu ta acompaña esaki. Aki tambe tin cierto asunto cu ta resalta. Nos ta bay tin un BBO 'na porta' (na momento di importacion) riba tur mercancia, salvo e categorianan cu ya tabatin excension. E empresanan cu ta importa pa rebenta ta haya compensacion pa loke nan a paga na porta, na momento cu nan ta paga nan BBO/BAZV/BAVP den nan pago mensual. Aki pa prome biaha, manera nos a yega di comenta anteriormente, nos ta bay haya un impuesto tipo 'BTW', impuesto riba e Valor Agrega. Nos no ta contra esey, es mas, nos ta kere cu ta mihor pa nos a cambia completamente pa e sistema aki, cu ta duna mas garantia pa mantene efecto di inflacion abao. Pero, pakico mester trece esaki na un

manera asina scondi, no ta mihor pa haci tur e trabao di biaha y abiertamente?

Di e manera aki, nos ta keda cu un sistema cu un tendencia inflacionario, y esey no ta bon pasobra e BBO aki no ta e unico medida. Tin e aumento di 'deviezenprovisie' cu nos ta bay topa atrobe den aumento di prijs. E pregunta ta na cuanto inflacion tur esaki lo bay resulta den e aña aki. Tin un proyeccion di inflacion di Banco Central pa e aña aki, pero segun nos no a tene cuenta cu e desaroyonan aki.

Naturalmente gobierno a haci un intento pa duna algo di compensacion na e ciudadano. Manera e rebaho di impuesto riba entrada, cu ta mas favorable segun cu e entrada ta mas haltu, es decir menos atractivo pa e cartera chikito. Tambe a baha e impuesto riba ganashi cu 2%, di 25 pa 23%, mientras cu tambe a aboli e regimen di IPC, cu tabata solamente interesante pa un man yen di compania grandi. Esey ta lanta e pregunta si pakico no a haci algo mas drastico pa e empresanan, por ehemplo kitando e impuesto riba dividend completamente. Aña pasa, ora gobierno a baha temporalmente e tarifa di dividendbelasting, mesora a haya hopi mas placa (Afl. 47 miyon) mientras den añanan anterior e no tabata yega na mas cu un fraccion di esey. Esaki no ta proba cu dividendbelasting ta bon, al contrario e ta proba cu tabatin hopi placa den economia wanta pa motibo di e impuesto aki. Na hopi pais na mundo tin discusion fuerte riba e doble cobranza aki di winstbelasting y despues riba esey dividendbelasting. No ta simplifica kier simplifica e sistema fiscal? Cuminsa hacie anto.

Den e mesun direccion aki ta bay otro caso unda por a simplifica. Esey ta e zegelbelasting unda a haci un gesto na e empresario poniendo e petition bao di e Ordenanza di Establecimiento di Empresa (Vestigingsverordening Bedrijven) riba e lista di excension den e Zegelverordening. E ley aki tin un lista bon largo di 'vrijstelling' y nos ta puntra nos mes si no ta mas facil pa simplemente aboli e ley aki, algo cu tabata e plan di ex-ministro Bermudez tempo cu el a presenta na 2016, pero no a logra.

Finalmente, nos ta keda cu e sentimiento cu no tin, keto bay, un plan fiscal balanza, pero cu a simplemente percura pa gara e placa cu mester a gara, pa por cumpli. Anto warda tanto luna pa esey?

Latino America masivamente a mobilisa pa hende muhe riba su dia

(France24) – Hende muhe di e region a inunda e cayanan na un historico jornada pa reivindica nan derecho. Den un region inequitativo, cu control estricto riba aborto y cu cifranan halto di feminicidio, miles di muhe a yena e cayanan desde Santiago te Lima y di Bogota te Ciudad de Mexico

Nacionnan Uni ta califica Latino America como e di dos region mas peligroso pa hende muhe. E organizacion a lansa un campaña mundial pa celebra e fecha y duna un sentencia definitivo: “E mundo a logra avance sin precedente, pero ningun pais a alcanza igualdad di genero”. Na Santiago de Chile, escenario di protestanan desde fin di 2019, por lo menos



150.000 manifestante a tuma e plasa di Dignidad, manera a keda batista e plasa Italia. E mayoria tabata carga emblema cu tabata pidi acceso

pa aborto y fin di violencia contra hende muhe. E jornada a caba cu violencia. E manifestacion a enfrente autoridadnan policial y 16

persona a resulta deteni. Na capital di Mexico, 30.000 persona a reuni den centro di e ciudad. E pais Azteca a grita contra feminicidio, un epi-

demia cu ta asota e sociedad como un epidemia. Centenares di hende muhe hoben, algun den rolstoel, a grita contra violencia cu a bira dobel den cinco aña ultimo memey di cifranan historico di homicidio cu e pais ta sufri. Na Bogota a scucha e peticionnan comun di otro ciudadnan di Latino America, ademas di exige un salario miho na Colombia; hende muhe ta gana 30% menos cu hende homber den e mesun funcion.

E cantidad di marcha na henter region ta alimenta pa e impulso cu activistanan a yama pa lanta den e campaña di #MeToo y caso conoci di e productor Harvey Weinstein, acusa di distinto cargo di abuso sexual.

Segun Unicef:

4.000 mucha menor di edad a crusa tapón del Darién entre Colombia y Panama

(France24) – Fondo di Nacionnan Uni pa Infancia a denuncia cu, den ultimo cinco aña, casi 50 mucha a muri purbando di crusa e selva cu ta separa Colombia y Panama. Ta trata di un di e luganan mas biodiverso y peligroso di mundo. E migrantenan ta purba di yega Merca y ta enfrente tur sorto di peliger.

Unicef a informa cu na 2019 e frontera aki a ser crusa pa mas di 4.000 mucha menor di edad. Un dato cu ta supera shete biaha e cifra di 2018, aña den cual a reporta 522 mucha menor. Segun datonan di e organizacion, 24.000 persona di mas di 50 nacionalidad, entre nan ta inclui India, Somalia, Camerun, Congo y

Bangladesh, a crusa e selva na 2019, di ken 16% tabata mucha y mita no tabatin ni 6 aña. “E aumento dramático den e cantidad di mucha homber y mucha muhe migrante cu a pasa a traves di e selva di Darien ta destaca e necesidad urgente di accion pa proteha y garantisa nan acceso pa servicionan esencial como awa, salud, higiena”, e representante di Unicef na Panama, Kyungsun Kim a bisa den un comunicado.

E tapon del Darien ta un luga di selva, di 580.000 hectar di extension cu ta interumpi pa e carretera Panamericano. E teritorio aki ta supone 13% di superficie di Panama y ta un di e luganan mas biodiverso na mundo. Sinembargo, tambe ta un frontera di circulacion hopi dificil, motibo



pa cual migrantenan y narcotraficante ta probecha su aislamiento pa crus’e. Desde Unicef ta pidi pa studia e causanan cu ta pone e muchanan bandona nan cas y pa sigura medida como acceso pa educacion y salud di

tur menor migrante, como tambe acaba cu nan detencion y establece alternativa pa su cuidio. Otro di e demanda ta pa proteha e muchanan di explotacion, violencia, xenofobia, discriminacion y separacion

di nan famia. Den e sentido aki, e organizacion a declara cu lo mantene su presencia den e tereno ‘pa provee servicio den area di awa, saneamento, salud, nutricion y proteccion pa e muchanan durante 2020’.

Peru ta anuncia cu lo evalua aplica pena di morto pa violadonan

LIMA (Infobae/Reuters) – Diadomingo ultimo, presidente Peruano, Martín Vizcarra, a señala cu su gobierno no ta descarta e evaluacion di pena di morto pa violadonan.

“Tin cu haci un evaluacion. E tema ta un cambio den normativa cu ta pasa pa Congreso. Den e dianan aki nos lo tin un reunion cu e congresistanan. Nos lo analisa, pero un medida no lo solucion a problema”, e manda-



tario a bisa periodistanan, den su bishita pa un feria di produccion elabora pa hende muhe. Tambe e mandatario a acepta como Gobierno cu ‘falta hopi

pa haci’ pa combati violencia contra hende muhe, cu representa ‘un di e problemanan principal di e sociedad’. El a indica cu e accion implementa pa su gestion no ta

suficiente y cu ta necesario pa haci ‘hopi mas’ pa logra e cambio cu lo permiti no solamente pa hende muhe biba sin miedo, sino tambe ocupa ‘e rol cu ta coresponde den e sociedad’. Vizcarra a referi pa e asesinato di un mucha muhe di 4 aña, cu a ser secuestra y victima di violencia sexual di parti di un menor di 15 aña, siman pasa. “E asesinato di un mucha muhe, ta un fuerte yamado di atencion pa nos como Gobierno, como sociedad, pa nos

cambia y pone mas esfuerso pa cambia e situacion aki”, el a referi. Den e linea aki, a señala cu su Gobierno lo traha intensamente riba educacion, den hogarnan, universidad, pa cambia e sociedad ‘machista y patriarcal’. Segun cifranan di Defensoria di Pueblo, den aña aki, na Peru a ser registra 33 feminicidio, 82 tentativo di feminicidio y 326 desaparicion di hende muhe.



Awo cu 2 florin mas, bo por gana e **MEGA PLUS**

*Afl. **420.000,-**

*Afl. 320.000,- + Afl. 100.000,-
sorteo ta awe nochí extra

Obtenibel na cualkier rebendado di Lotto.




Guyana: Corte ta para anuncio di resultado electoral

(Reuters) – Georgetown – Corte supremo di Guyana a para anuncio un ganador di eleccion pa e comision di eleccion, tumando na cuenta e denunciacion di fraude den e eleccion general teni dia 2 di maart pasa.

Un persona a fayece den e protestanan riba caya, unda disturbio a cuminsa despues cu diplomaticonan a describi evidencia creible di fraude cu voto, den eleccion cu lo a dicidi ken lo dirigi e ex-colonia Britanico den e



proximo añanan, mientras un boom den sector petrolero ta na punto di converti e pais su economia completamente.

Hues principal Roxane George a bisa durante e sesion diadomingo pasa cu lo cuminsa cu scucha testigo

den e caso awe pa determina si funcionarionan lo mester resumi verificacion di e votonan den Region Cuatro, un di e 10 regionnan den cual e pais ta dividi.

Oposicion ta bisa cu e resultadonan di Region Cuatro a ser duna sin verifica e votonan na mas di mita di e urnanan electoral, y cu e resultadonan tabata infla pa duna presidente David Granger un bentaha riba su rival Irfaan Ali.

E prohibicion ta preveni cu e comision electoral di declara un ganador mientras

cu e corte ta revisa e caso. E comision a declara mesun dia cu lo respecta su debernan constitucional.

Oficina di presidente Granger no a contesta riba peticion di prensa pa comentario.

E disputa encunto voto ta mustra e tensionnan grandi cu ta existi pa basta tempo caba entre e dos gruponan etnico principal di e pais, e grupo di descendencia Afro-Guyanes actualmente den poder y e grupo di descendencia Indio, cu e control riba e recursonan petrolero y financiero di e pais como premio pa e ganador.

Republica Dominicana: Cinco caso confirma di coronavirus

(ListinDiario) – Ministerio di Salud Publico a informa cu ta wardando e resultadonan di e prueba di laboratorio pa confirma o descarta e virus COVID-19 riba seis otro pacient, mientras cu e conteo di caso confirma ta na cinco.

E informacion a bin di e periodista Carlos Suero, director di Comunicacion di ministerio di Salud, ken a sigura cu

a reforsa vigilancia en torno di e señora cu a sali positivo pa e virus y cu ta actualmente den isolacion domiciliario na Villa Riva, provincia Duarte. No a duna detaye di e pacientnan di cualnan ta wardando resultado di laboratorio pa cu e virus. El a informa si cu actualmente tin 47 persona cu ta bao vigilancia pero na nan hogar pa un periodo di 14 dia pasobra nan tin historia di biahe den pais cu posible riesgo di coronavirus.

Suero a ripiti su yamado na e poblacion pa no bay tras di rumor y a señala cu e informacionnan oficial ta emiti solamente pa ministerio di Salud Publico.

El a splica cu pa un pacient por ta den cuarentena na su cas e mester reuni cierto condicion, manera e caso na Villa Riva, cu ta biba su so. Te na e momento aki e pais a confirma cinco caso importa di e virus.



Venezuela: Grupo comando ta responsable di candela na CNE

(NTN24/LaPatilla) – Un grupo comando yama “Frente Patriota Venezolano” a atribui responsabilidad pa e candela den bodeganan di Consejo Nacional Electoral di diasabra pasa na Filas de Mariche, estado Miranda. Mayor parti di e mashinnan di votacion a bay perdi den e suceso.

E integrantenan a anuncia e activacion di e operacion “Sodoma” y a sigura cu nan lo ta atento pa cualkier hecho cu por sucede awe 10 di maart, fecha riba cual dirigencia opositor lo marcha den direccion di Palacio Federal Legislativo, despues di un convocatoria di Juan Guaido pa reactiva e protestanan contra regimen di Nicolas Maduro.



“Frente Patriota ta hura di no descansa te logra fin di e tirania,” un di e miembronan di e grupo ta bisa a traves di un video difundi via rednan so-

cial, hunto cu seis compañero di lucha den trahe militar y cara tapa.

Frente Patriota ta denuncia cu CNE a vulnera derechonan

di e ciudadano y ta acusa su representantenan di kier tene eleccion fraudulento cu apoyo di Cantv, e empresa estatal di telecomunicacion.

E grupo a haci un yamado na su compañeronan di arma pa respecta Constitucion y uni nan mes na lucha di pueblo Venezolano.

Mientras tanto, Tibisay Lucena, presidente di CNE, a declara cu lo haci un investigacion profundo pa averigua ken ta tras di e atake aki. Segun Lucena a perde 582 computer di Registro Civil y 49.000 mashin di vota y mas material di eleccion. Cu eleccion pendiente e aña aki, e pregunta ta di unda e regimen ta bay haya material pa por tene eleccion. Pa december proximo normalmente lo tin eleccion parlamentario pa un Asamblea Nacional nobo, mientras tin presion fuerte riba Maduro pa eleccion presidencial tambe.

Miembronan di gang di Taghi a nenga di ta envolvi den atake di Telegraaf



AMSTERDAM (DutchNews) – Dos homber a nenga di ta involucra den un atake riba e oficina di matutino Telegraaf pa orden di e criminal di droga mas notorio di Hulanda. Un truck cargando tankinan yena cu gasolin a drenta e glas di e edificio na Basisweg na Amsterdam y a pega na candela dia 26 di juni 2018. No tabatin ningun persona herida den e incidente cu e abogado di Telegraaf a describi como un atake riba husticia y democracia.

Dos di e sospechosonan a bisa hues den sala di husticia di alta seguridad na Amsterdam conoci como “e Bunker” cu no tin nada di haber cu e incidente, mientras cu un tercer a eherce su derecho di keda keto. E otro dos no tabata presente na corte.

E tribunal a scucha cu no tabata cla cual di e sospechosonan a stuur e truck, un Volkswagen Caddy, pa e edificio. Un Audi RD5 cu a wordo utiliza como un vehiculo di escape a wordo haya kima e dia siguiente bandi un via di acceso di e autopista A10.

Polis ta kere cu e atake a wordo organisa pa asociadonan di Ridouan Taghi,, acusa di a ordena cinco asesinato di gang y un serie di otro delitonan. En total 11 persona ta siendo husga por pertenece na un organizacion criminal, horta y mancha bienes horta. E fiscalnan a bisa cu e gang a contrata y horta auto di calidad caro.

Aumento salarial e aña aki ta alcanza un maximo di 17 aña



AMSTERDAM – E acuerdonan di salario nobo a seya di locual e aña aki ta brinda e trahadonan un aumento di salario promedio di 3.3%, un maximo di 17 aña, esaki ta segun cifranan di e organizacion di empleado AWWN. E mayoria di salarionan a aumenta na e industrianan kimico, transporte, alimentacion y hotelero, AWWN a informa Financieele Dagblad.

En total a firma 63 acuerdo di salario nobo cu ta cubri 500.000 trahado pa kico ta trata e aña aki. E organizacion ta spera cu e aumento di salario na un averahe di 3% na 2020 den su totalidad. Aña pasa e grupo di experto macro-economico di gobierno CPB, a bisa cu nan tabata sperando cu e salarionan lo aumenta na un promedio di 2.5% na 2020, y a bisa cu e poder compra lo aumenta na 2.1%. E acuerdonan di pago y condicionnan na Hulanda ta vincula den tur sector y ta cubri mas cu un aña.

Minister Plenipotenciario a ricibi dos obra di Clarette Quandus

DEN HAAG – Recientemente Minister Plenipotenciario Guiffred Besaril a ricibi di poeta y escritora Clarette Quandus dos buki di su coleccion “Kibrando e silencio” y “Elegante Poeta”.

E obranan ta contene poesia cu ta laga bo pensa profundo. Especialmente e obra ‘Kibrando e silencio’ ta contene poema pa conscientisa comunidad riba e tema di abuso di mucha y e silencio cu hopi biaha ta reina rond di esaki.

Besaril a gradici Clarette Quandus pa e obranan y a bisa di ta orguyoso pa mira e amor di nos hendenan pa skirbi poesianan den nos idioma materna Papiamentu. Besaril a desea Clarette Quandus hopi inspiracion pa keda enriquece nos literatura cu bunita obranan.



BONDIA
ARUBA

BISA NO NA ABUSO

Abuso di mucha ta tur forma di agresion fisico, emocional, sexual y negligencia cu por pasa cu mucha entre 0 - 18 aña. E abuso tin consecuencianan serio pa e desaroyo di e mucha.

Mucha tambe tin derecho

Designed to inspire



MAZDA MOTOR CORPORATION
1920 **100** YEARS 2020

MAZDA

MAZDA CX-5 CORE
AWG 66,800

Feel Alive™



Tanki Leendert 122, Aruba
T: +297 582-3838

Opening hours: 8:00 am - 12:00 pm | 1:30 pm - 5:30 pm
Saturday 9:00 am - 1:00 pm

 MazdaAruba

Gobierno Hulandes: Stop di duna man pa preveni Coronavirus



AMSTERDAM(dutchnews) – Gabinete Hulandes a conseha comunidad pa stop di duna otro man como un medida nobo pa preveni e plamamento di coronavirus. Ademas e personanan cu ta biba provincia di Noord-Brabant na unda mayoria di infeccionnan ta, urgi pa keda traha di cas ora sea posible.

E medidanan nobo a wordo anuncia pa prome minister Mark Rutte

despues di combersacionnan di crisis cu e ministerionan, funcionarionan di salud y representantenan di servicio di emergencia dialuna anochi. E number di pashentnan na Hulanda a yega 321 dialuna, di cual 90 no tin un fuente obvio di infeccion. Noord-Brabant tin mayoria di caso cu ta 134.

Contrario solamente tin 4 caso te cu awo na Amsterdam. “Igualmente si man pasa ainda nos tabata den e fase di contencion”, Rutte a bisa e period-

istanan despues di e reunion. “ Nos obhetivo ta permanece na e fase aki mas tempo posible”. Stop di duna otro man , el a bisa ta un medida pa preveni e plamamento di e enfermedad. “ Esaki ta un medida simple y sensible, pero nos ta kere cu esaki lo ta efectivo na e momentonan aki”, Rutte a bisa.

Personanan na Brabant mester continua keda cas si nan tin cualkier sin-

toma pero ademas awo nan ta ser pidi pa traha desde cas di ta posible te cu dia 16 di maart. Ademas a pidi e empleadonan wak e dia di trabou pa menos hende ta hunto na mes momento.

Rutte su causanan a hisa wenkbrauw na final di e conferencia di prensa ora cu el a cana bay di e microfon y a duna man cu e hefe di RIVM. “ Oops sorry e ta djis un habito”, Rutte a bisa.



Clasificado

ECONOMICO

Personal GRATIS max. 20 palabra

PASA LAGA BO AVISO NA OFICINA DI BON DIA
ARUBA WESTSTRAAT#22 FOR DI 9:00AM-4:00PM

Email nos na
classified@cspnv.com

TA BENDE

Articulonan di BABY
na prijs barata
Tel 568-2714
Tel 568-5042

TA BENDE

un cas: 3 camber / 2 baño
na Primavera, Awg.395.000
Tel.592 9966

TA BENDE

Tubo pa colga paña un set (2x)
pa Fls.200
Tel: 569 7787

TA BENDE

Un Cas Moderno: 3 Camber
2 banjo na Boroncana.
Awg. 475.000.00.
Tel: 565 0831

SERVICIO PUBLICO

Gran Feria di Fruta y Verdura
na Rococo Plaza diahuebs,
diabierna y diasabra 3 or te cu
8 or anochi . Tur siman

TA HUUR

Camber + baño na
Piedra Plat (Seroe Pita)
Tel. 594 9694

SERVICIO PUBLICO

Mi ta ofrece servicio di
electricidad en general,
problema cu corto circuito
y mantencion
Tel. 566 5026

SERVICIO PUBLICO

Buscando auto pa huur y na
bon prijs? yama nos
Tel. 593 9953/ 593 8453

SERVICIO PUBLICO

Psychic Riley let me help solve
your problems in love marriage
finance career and family with
immediate results
Call 001 747271 9899
wyattearp14@sbcglobal.net

SERVICIO PUBLICO

Sra. ta dispuesto pa haci trabou
den cuido di mucha y anciano y
tambe limpieza di cas of oficina
Tel. 568 1152

SERVICIO PUBLICO

Señora ta ofrece servicio pa
cuida mucha of hende grandi-
Tel: 593 1777

SERVICIO

Unified One Events
Photos , films, wedding
Tel. 749 2533

SERVICIO PUBLICO

ta drecha tur sorto
di Imagen y verf
Tel. 584 2489

SERVICIO PUBLICO

Barata Barata
Nos ta chapi, lanta sushi, spuit
veneno, corta mata, na bon prijs
Arubiano balente
Call 592 5766

TA HUUR

apartment na Madiki Kavel
Whatsapp
Tel. 746 2395

SERVICIO PUBLICO

Mi ta ofrece servicio di electri-
cista en general corto circuito y
mantencion
Tel.566 5026

SERVICIO PUBLICO

Se ofrece servicio de reparacion
e instalacion de aires acondicio-
nados Split e industrial tambien
reparamos frigidaire, cuartos
frios y fabricantes de hielo
Tel. 600 0750

SERVICIO PUBLICO

ta yuda busca cas
pa cumpra of huur
Tel. 563 1449

SERVICIO PUBLICO

Master Nails
Pa e miho servicio y experiencia
den mantencion y atencion pa
bo huñanan. Yama pa un cita
Tel. 744 9214

SERVICIO PUBLICO

Pa haci trabou di verf y chapi,
tur mantencion di pafor di cas
Yama y puntra pa Benito na
Tel.593 0040

GRATIS

Nos ta piki tur sorto di auto bieu,
gratis. Tambe airco, bateria,
stoof, wasmachin, frigidaire etc
Tel. 561 4297 / 561 5179

SERVICIO PUBLICO

Para todo lo que se refiere a
tapiceria de muebles, autos,
botes. Reparamos bambú,
cabana. Todo lo relacionado
con carpinteria
Tel. 569 7539 / 746 0518

SERVICIO PUBLICO

Albañil, ceramica, porcelanato,
plomeria, pintura, cielo raso,
puertas de madera, puntos
electricos, soldadura, Bloques,
Frizos, pisos. Yama ya
Tel. 740 1242 / 740 4003

SERVICIO PUBLICO

ta haci tur tipo di trabou
di costurera
Tel. 593 2085

TA HUUR

Studio/ apartment semimuebla
en Playa (max 2 persona): living
cu cocina y un camber cu baño.
Afl.700
Tel. 662 3892

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518

TA BENDE

Caha di Orgel.
Tin 3 cylinder NOBO.
Pa mas informacion yama
Tel. 593 0203

FOR SALE

structura pa traha casdi trailer
mas grandi cu 40 pia. Fls.5 mil
Tel. 569 4343

ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

Yama na telefon: 582-7800 of manda un email na accounting@bondia.com
www.bondia.com

SERVICIO PUBLICO

Masaje relajante, sports ma-
sajes, aroma terapia, piedras
calientes, reflexologia, faciales
Sabana Basora # 157 P.Ch.
Tel. 561 8520

TA HUUR

1 studio camber muebla inclui
awa, gas, cable. Pa 1 persona,
hende serio so.
Na highway
Tel. 741 8637

TA HUUR

Pa famia maximum
4 persona.
Yama pa informacion
Tel.568 4209

TA BENDE

BBQ Grill tipo cilinder
"criyoyo" duradero
Prijs Afl.250
Tel. 569 7787

SERVICIO PUBLICO

Construction
remodelacion di cas, traha cas,
apartment, traha y drecha dak,
electricidad, verf pega mosaico,
traha cura, plomeria. Bon prijs
Tel. 593 3141

TA BUSCA

pa cumpra 1 tereno Eigendom
di ongerveer 400 m2 pa 500
m2 den vecindario di Madiki,
Socotoro, Meinveld, Ponton,
Companachi of otro bario
Tel.593 0769 / 593 3514

TA HUUR

Apartment full muebla. Incl.
awa, excl. coriente. Vecindario
Tele Aruba.
Pa mas info yama
Tel.593 8488 / 593 7755

SERVICIO PUBLICO

recojemos todo tipo de basura
(nevera, estufa, etc)
Tel. 564 1979

FOR SALE

Commercial property close to
the new Container Port in
Barcadera, build-up 424 m2,
land 2400 m2 for \$337,078.
For more details
Tel. 593 6318

FOR SALE

Gorgeous two story house in
Paradera, 3 bedrooms/
3 bathrooms with pool for
\$470,000
Tel.593 6318

SERVICIO PUBLICO

Pa tur trabou di tapiceria di
mueble, auto, yate y barco.
Nos ta haci trabou di cabana y
bambu y nos ta verf
Tel : 569 7539 / 737 3993

Ruthy Vrieswijk-Bergen:

‘Bon dia yen di alegria’

ORANJESTAD - Un bon y feliz siman nobo pa nos tur, colma di salud y alegria ! Nos tin varios tema y of topico cu nos por elabora un crenchi ariba nan den nos columna. Laga nos papia un crenchi di un cabayero hopi talentoso den su pintamento y sacamento di potret Meneer Steffen Maas.

E gentil cabayero artista aki, a hinca den otro, un buki sumamente interesante y educativo pa nos muchanan di scol. E ta den nos idioma Papiamentu, cu e ilustracionnan realistico cu nos ta mira y tin aki na Aruba. Por ehempel, e alfabet cu ta cuminsa cu A di Aloe, B di Bushi, C di Cabrito etc. etc. E buki ta yama Mi buki y ta hopi pero hopi bunita mes. Steffen Maas ta bezig cu e proyecto aki ya pa algun tempo y a bira tempo pa e sigui haya e ayudo y sosten necesario pa por realisa e proyecto unico aki. Mas profesionalnan den Enseñanza tin cu cay aden pa tambe duna nan sosten, opinion y cooperacion, pasobra e proyecto aki a cuminsa briya riba su tereno mas y mas. Durante un bunita presentacion den e sala di Biblioteca Nacional recientemente Steffen Maas a duna un splicacion amplio con el a cuminsa, kico e kier logra etc. Hasta algun juf-frouw di scol presente a comenta cu ohala nan por tawatin e materialnan aki tempo nan a duna les añanan pasa caba, cu lo ta hopi great pa tin den scolnan awe. E pinturanan tin varios palabra, con bo por skirbiele y con bo por pronuncie y con ta tur e diferente nombrenan di e obranan artistico pinta na colornan hopi bunita y cla cla.

Aki den esunnan cu ta domina nos idioma Papiamentu por tin e tarea bunita di coregi y asina Mi buki por ta asina profesional den Enseñanza, specialmente pa muchanan di kleuter y of eerste klas bay ariba te unda esaki ta necesario pa nos muchanan siña y domina kico ta di nos den nos mesun idioma Papiamentu. Lady Ruth no por corda awor aki tur detayenan y demas informacionnan cu a wordo duna e anochi bunita ey, pero sa di su humilde curason, cu nos tin nos hendenan profesional cu por back up e proyecto aki sigur, mirando cu den sala tawata t'ey presente tambe Wim Rutgers, e profesor den literatura di akibandanan tambe. Nos a comprende cu lo ta bay tin of tawatin reunion cu nos ministro di Enseñanza Ministro Rudy Lampe, spera cu esaki ta positivo of pa awor cu e relato aki ta den boso man pa lesa, podise algo bunita a bin na horizonte cu bunita speransa pa realisa e proyecto aki, cu lo costa placa, pero no ta nos muchanan y hobennan ta nos futuro pa ta lidernan mañan miho prepara cu nos ?

Nos ta sigui tende y lesa noticianan internacionalmente cu Enseñanza ta e fundeshi fuerte di un pais . E muchanan lo por bin bek ariba locual nan a siña, por ehempel, ora mira en bibo locual nan a siña na scol. Por ehempel ora nan mira e turtuganan subi tera of drenta lama , cu por lesa esakinan riba bordjienan cu por wordo poni aki aya. Pareu cu esey, nan lo corda nos cultura y nos dushi idioma Papiamentu.

Aruba tambe ta sigui desaroya den tecnologia sigur, pero nos no mester lubida di unda nos a bin. Nos isla cu su herencia cultural, su storianan, su canticanan. Y ki mas bunita cu for di chikito caba nan por cuminsa lesa, skirbi y papia nos idioma Papiamentu. Pues, enbes di e parti na Hulandes di Noot Mies Wim Jet, siña Aloe, Bushi, Cabrito etc. nos mesun palabranan den e alfabet.

Pa mas informacion pa combersa cu Steffen Maas, por yama Vivian Lampe na 582 2075.

Mi ta sigur cu e lo por duna bo mas informacion con pa bini den contacto cu Meneer Steffen Maas. Nos ta desea Steffen Maas tur clase di exito cu y den e proyecto unico y super bunita aki.

Y cu pronto scolnan basico por ehempel, por tin Mi buki ABC . Esaki tambe ta progreso.

Despues nos ta bin cu un bunita relato di e gran cantante di bolero Robert E. Agunbero.

Laga mi disfruta y scucha inspira prome di su bunita cd nan e.o. Aquella Epoca. Keda pendiente !



Bureau City Inspector ta keda retira auto kibra for di caminda

ORANJESTAD – Durante patruya, team di Bureau City Inspector a constata cu tin hopi auto kibra y sin plachi number para riba caminda publico den bario di Dakota y Tarabana.

Segun un relato di BCI, a duna e doñonan di e vehiculo cu a haya para riba caminda publico algun tempo, te cu ayera, pa por kita nan. Si nan no cumpli, lo pone nan firma un carta den cual ta autorisa BCI pa retira e autonan y manda nan pa press pa hero

bieu.

A haya mas di 45 vehiculo kibra y sin plachi number na Tarabana, y BCI ta pidi pa tene cuenta cu e campaña lo sigui na Dakota.



Muhe a keda na pia despues di tabata core basta malo

ORANJESTAD – Weekend ultimo, den oranan di marduga, cu agentenan di polis tabata atendiendo un cas den Paardenbaaistraat, a keda notifica cu un Nissan March ta biniendo den nan direccion for di LG Smith Blvd., coriendo basta malo mes y a dal acera algun ocasion.

Patruya a bay di biaha para warda e vehiculo yega y asina a bay nan tras te banda di parada di bus e auto a para. Tabatin tres persona den e auto, na stuur un muhe y

acompañá pa su dos amigonan.

A pone e muhe supla, pero no a surpasa e limite, ta muestra di lo tabata bou influencia. Polis a papia cu e muhe riba e manera di mancha un auto den e forma cu e tabata e momento ey. y no por a lag'e sigui core pa despues haya nan mes den un desgracia.

A kita e auto hiba esaki warda y e amiga y su amigonan a keda na pia.



Accidente cu impacto fuerte riba brug Piedra Plat

ORANJESTAD – Diadomingo anochi riba e brug di Piedra Plat a sucede un accidente fuerte, entre un Yaris y un pickup cu a dal contra di otro basta duro.

pero no tabata desea asistencia medico. Roadservice a atende cu e accidente y polis di trafico debi cu un persona tabata falta documento. Take-lwagen a presenta pa kita e auto for di riba caminda.

Un señora tabata sinti malo,



AHATA: Aruba ta pasando den ‘perfect storm’

ORANJESTAD –Aruba Hotel & Tourism Association ta alerta comunidad cu Aruba actualmente ta pasando den un ‘tormenta perfecto’; esta un combinacion di circunstancia y sucesonan cu ta causa un peligro grandi pa nos economia y futuro financiero di nos pais.

Na mes momento Aruba ta experiencia e siguiente desaroyonan negativo:

1. Inventario di camber di hotel den Caribe ta creciendo y habriendo bek, creando mas competencia den region y e demanda pa Aruba ta bahando.
2. Inventario di camber di Aruba ta na punto di crece cu hotel nobo.
3. Falta di empleado cualifica pa yena tur cupo di trabou y mantene nivel di servicio halto.
4. Dependencia halto di nos turismo riba mercado Mericano (80%).
5. Aña di eleccion presidencial na Merca, cu historicamente ta causa cu turistanan Mericano ta warda pa gasta placa.

6. Efecto di Coronavirus riba turismo (miedo di biaha) y riba economia, causando cancelacion y reduccion di reservacion.

7. Imagen di Aruba cu nos ta un destinacion caro.

Segun e comunicado di AHATA, mientras tanto Gobierno di Aruba ta sigui impone mas impuesto y otro medidanan riba sector comercial y comunidad, subiendo mas ainda e costo ya halto di haci negoshi cu e resultadonan cu prijsnan mester sigui subi pa nos residentes y turistanan.

Gobierno di Aruba ta uzando miyones di presupuesto di A.T.A. destina pa mercadeo pa cubri otro gastonan cu nan tin, net na momento crucial cu mester fondo pa sigura demanda pa Aruba y diversificacion di e mercado turistico. Segun ley, e surplus di e presupuesto di A.T.A. ta destina pa gobierno cada aña, pero



awor gobierno ta sacando mas placa di e fondo destina pa mercadeo internacional.

Gobierno di Aruba ta bay asina leu pa cambia e ley di A.T.A. Sui Generis pa asina e fondonan di room tax reserva y necesario pa mercadeo internacional, bay pa presupuesto general di gobierno y yuda cubri nan deficit financiero. Inicio di A.T.A.

Sui Generis tabata resultado di un MOU entre gobierno y AHATA, den cual a acorda cu e fondonan di room tax ta reserva pa mercadeo internacional. E cambio di ley ta bay contra e principio di e MOU y contra interes di nos pais.

Mas preocupante ta cu e cambio di ley lo duna dos Minister derecho di dicidi cuanto lo entrega na e presupuesto di A.T.A. cada aña. Esaki lo sosode sin ningun criterio of garantia pa un cantidad of porcentahe minimo cu ta necesario pa mercadeo,

pero alabes mas preocupante sin criterio pa participacion di nos expertonan den turismo y mercadeo.

Cu e desaroyonan negativo aki, Gobierno di Aruba ta poniendo nos pilar economico, nos posicion financiero y pan di nos empleadonan den turismo, na peligro. Tur esaki pa cubri buraconan financiero den presupuesto cu ta existi pa motibo di mal maneho gubernamental den ultimo decadan, segun e comunicado ta conclui.

Den cuadro di algun suceso den Carnaval:

Minister Glenbert Croes a reuni cu Opvoedcommissie, SCP y KPA pa un plan pa Campamento

ORANJESTAD – “E ta keda nos deber como adulto, mayor y Gobernante pa crea consciencia, brinda seguridad y duna apoyo na nos muchanan ora cu mas nan mester di nos”, segun un comunicado di gobierno.

“E ta nos deber como adulto, mayor y Gobernante pa duna guia, alerta nos muchanan riba posibel peligro, pa informa nan di kico por haci den situacionnan fastioso, empoderando nan cu conocimiento pa asina evita cu nos muchanan ta bira victima di manipulacion cu mayoria di bes ta conduci na abuso.

Ainda ta fresco den memoria e tremendo campaña cu SCP a presenta den temporada di Carnaval cu a haya su atencion y acogida mereci. Tin cu tabata di acuerdo, tin cu tabata contra di e campaña. Pero e meta primordial tabata pa proteha nos muchanan.

Durante dicho reunion for di KPA tambe a bin un tremen-

do iniciativa cu lo bira un condicion ora di eventonan publico. E team di SCP tambe tin su campaña prepara pa temporada di campamento. Opvoedcommissie cu ta con-

sisti di tur instancia concerni a presidi e reunion y ta apoya esaki tambe. Conhuntamente sigur lo logra mas pa seguridad di nos muchanan. #HuntoNosTaLogra”.



MAINTENANCE SHIFT PERSONNEL

NOW HIRING

We are currently seeking qualified maintenance personnel to join our maintenance department team.

Our company offer competitive salary structure, bonus benefits and a fare practice work enviroment.

BASIC WORK REQUIREMENTS AND QUALIFICATIONS:

- Must have minimum 2 years electrical experience.
- Technical experience with airconditioning units.
- Must be able to work independently
- Good communication in Papiamento, English and Spanish
- Must be able to work both day and night shifts.

MUST HAVE LEGAL WORK STATUS

Send resume by email: nadia@brickellbayaruba.com
or apply in person at Brickell Bay Beach Club & Spa hotel
located on Palm beach.

Seis persona ta muri pa sobredosis memey disturbio den prison



ROME (AP) – Tension den prison sobrepobla na Italia a desata dialuna pa medida nobo pa contene coronavirus, cu riot den sikiera dos decena di luga cera, y seis detenido kende a kibra den un enfermeria

y a fayece di sobredosis di methadone.

E defensor nacional di derecho di prisionero di Italia a insisti pa guardianan tuma medida inmediato pa calma e situacion y mitiga regulacion

nobo, cu ta inclui suspension di bishita di famia como un forma di preveni transmision di e virus.

“E dificultad di acepta medida extremo ta accentua na luga unda hende no tin ningun libertad”, un abogado a bisa, urgiendo pa guardia duna mas informacion y oportunidad pa prisionero yama nan miembro di famia.

Gobierno Italiano a emiti medida radical pa purba contene e virus, limita biahe paden y pafo di Lombardy y parti di Veneto, a cancela scol na henter pais, prohibiendo reunion di persona y urgiendo pueblo pa mantene distancia den metro. Cu mas di 7.300 persona infecta, Italia ta con-

oce mas virus cu cualquier otro pais pafo di Asia.

Defensornan di derecho humano a adverti cu miedo di e virus tabata particularmente dificil pa prisioneronan, mirando cu nan realisacion di e condicionnan di sobrepoblacion ta haci nan vulnerabel, segun Alessio Scandurra, coordinador di defensa di adulto den detencion na Antigone Association, cu ta defende derecho di prisionero.

Na momento cu administrado di prison a suspende bishita di famia, tension a explota, probablemente un reaccion di panico, el a bisa.

Den un di e disturbionan mas grandi diadomingo, pris-

oneronan na Modena a cende matras na candela. Seis prisionero a muri despues cu nan a kibra den enfermeria y a tuma un sobredosis di methadon, segun Donato Capece, secretario general di sindicato di polis penitenciario.

Pa dialuna, prisioneronan a subi dak di e prison na San Vittore na Milan y a hisa un papel cu ta bisa ‘indulto’ cu na Italiano cu ta bisa pordon. Capece ta acusa gobierno di bandona e sistema di prison, nenga di proporciona medida suficiente pa evita e brote di virus y laga guardia pa trata cu prisionero ‘ansioso y rabia’. E administracion ta completamente ausente. Nan a laga polis penitenciario den peliger.

Miles ta prepara pa baha di crucero afecta pa coronavirus

SAN FRANCISCO (AP) – Oficial federal y estatal na California a prepara pa ricibi miles di persona for di crucero cu ta inactivo na e costa di San Francisco cu al menos 21 persona abordo infecta cu coronavirus.

Michele Smith, di Paradise, California, a bisa cu dokter un dokter a bati porta di e cabina cu e ta comparti cu su casa y a puntra si nan tabatin keintura of tosamento. E pareha cu a bay den e crucero pa celebra nan aniversario ta saludabel, y igual na e resto di e 2,400 pasahero abordo, ta isola den nan cabina desde diahuebs.

Riba tera, a instala heki na un sitio di 11 acre na waf di Oakland mientras autoridad ta prepara vuelo y bus pa hiba pasahero abordo na un base militar of nan pais di origen pa un cuarentena di 14 dia. E 3.500 pasahero y personal riba e barco di bin di 54 pais.

“Nos ta haciendo lo posibel pa saca tur hende di barco di manera sigur y lihe”, segun Dr. John Redd, di departamento di salud y servicio humano di Merca, kende a insisti pa pasahero permanece den nan camber.

Cantidad di morto na Merca pa e virus a alcanza 21 y e can-

tidad di caso na henter mundo a eleva pa mas di 110.000. Gobernador di California, Gavin Newsom y alcalde di Oakland a purba di tranquilisa e publico cu ningun di pasahero di Grand Princess lo ta exponi na publico Mericano prome cu nan completa nan cuarentena.

A scoge e waf di Oakland pa desaborda debi na su proximidad na un aeropuerto y un base militar, Newsom a bisa. Pasahero di Merca lo ser transporta na base militar di California, Texas y Georgia, unda lo somete nan na prueba di deteccion di virus COVID-19 y lo pone den cuarentena.



Alrededor di 1.100 tripulante di barco, 19 di ken a duna positivo pa e virus nobo, lo ser poni den cuarentena y ricibi tratamento den e barco, Newsom a bisa. De-

partamento di Estado tabata trahando cu pais di origen di centenares di pasahero pa organisa repatriacion di pasahero, incluyendo casi 240 di Canada.

Iran ta duna acceso na sitionan nuclear activo, segun vigilante di ONU

VIENNA (AP) – Iran ta continua proveyendo inspectornan internacional acceso na su facilidadnan nuclear activo, hasta despues di su anuncio cu no ta mara mas pa ‘cual-

kier restriccio’ di e acuerdo na 2015 cu podernan mundial, diseña pa preveni e pais di produci un arma nuclear, segun lider di agencia vigilante atomico di Nacionnan Uni a

bisa dialuna.

Rafael Grossi, director general di Agencia Internacional di Energia Atómico, tambe a bisa miembronan di hunta na Vienna cu desde anuncio di Tehran dia 5 di januari, ta parece cu Iran no a escala su violacion di e pacto nuclear, conoci como e ‘Plan Conhunto di Accion Comprensivo’ (JCPOA).

“E agencia no a observa ningun cambio na implementacion di Iran di su compromisonan relaciona cu energia nuclear bou di JCPOA den conexion cu e anuncio aki, ni den nivel di cooperacion di Iran relaciona na actividad di verificacion y monitor di e agencia bou JCPOA”, Grossi

a bisa.

Den lunanan recien, Iran a viola tur provision principal di e pacto, aumentando uranio enrikeci y awa pisa mas leu di su limite, agregando centrifugonan prohibi, y enrikeciendo uranio mas leu di e pureza permiti.

Siman pasa, e agencia a bisa den un reporte na nacionnan miembro cu su inspectornan a confirma cu Iran a casi triplica su cantidad di uranio enrikeci desde november, violando e acuerdo nuclear.

JCPOA, firma pa Iran cu Merca, Alemania, Francia, Reino Uni, China y Rusia, ta permiti apenas 202.8 kg di uranio tiki enrikeci.

JCPOA a priminti Iran incentivo economico a cambio di e limite riba su programa nuclear, pero desde cu presidente Donald Trump a retira Merca unilateralmente di e acuerdo na 2018 y a impone sancion nobo, economia di e pais ta pasando momento dificil.

“E agencia a identifica un cantidad di pregunta relaciona na posibel material nuclear no declara y actividadnan relaciona na tres sitio cu no ta declara pa Iran”, Grossi a bisa. “E agencia a busca acceso na dos di e sitio. Iran no a duna acceso na e sitionan aki y no a participa den discusion substantivo pa clarifica preguntanan di e agencia.”



Premiere di Patroon na Aruba:

'E apoyo di nos islanan ta yuda nos kibra stereotipo di nos na Hulanda'



ORANJESTAD— Diabierna ultimo na Wind Creek a tuma luga e premiere di e pelicula corto **Patroon** na Aruba, dirigi pa hoben director di pelicula **Mario Gonsalves**, kende alabes a ricibi reconocimiento na Hulanda pa e pelicula aki. **Patroon** ta inspira pa e propio hoben su experiencia creciendo na Aruba y mudando bay Hulanda. **Gonsalves** durante e anochi a bisa cu 'filmnan inspira pa nos propio experiencia ta yuda Hulandesnan compronde den kico nos ta pasa den dje ora nos bay Hulanda, pero tambe pa nos compronde otro miho'.

Gonsalves cu su negoshi di produccion **Recent.co**, a haci e film un realidad, contando cu apoyo di tanto Ministerio di Turismo, Salud y Deporte, Ministerio di Cultura como **ATA** pa asina haci e premiere un realidad na Aruba. Durante e anochi e audiencia presente por a ser conoci cu e trabou di **Gonsalves** y su socionan **Valentino Angela** (Aruba) y **Aldair Pieters** (Corsou), mientras tabata duna un bista riba con e hobennan a haya conoce otro.

Pieters: 'Mi mes tabata experienciando loke **Patroon ta trece dilanti ora **Mario** a acerca mi'**

E film ta duna un bista riba e experiencianan di personanan procedente di islanan ABC cu ta purba establece nan mes na Hulanda, unda sociedad Hulandes ya tin cierto imagen di e ciudadanonan di Reino Caribense. **Pieters**, despues cu e audiencia a mira su performance riba e screen grandi den rol di **Malik**, a splica con e mes a haya su mes interesa den **Gonsalves** su proyecto:

"Sigur mi a match cu e film aki. Mi por link e cu mi carera como actor na Hulanda, unda no ta gewoon 1, 2, 3 bo ta yega y djis haya trabou. Pasobra ora bo bin di Corsou of di un di nos islanan, niun produccion Hulandes no ta bay bisa cu nan kier un persona di Corsou pa bay hunga den nan obra. Pues e tabata un struggle. Esey **Mario** kier a muestra den e pelicula aki. Ora mi tabata papiando cu **Mario** tocante e proyecto, mi a realisa cu aworaki mes mi ta experienciando esaki den mi carera y den mi bida, pues e ora ey mi a bis'e cu definitely, ban traha un film di esaki."

E respuesta riba e aspecto aki di e film tabata haya hopi apoyo den e audiencia. Cu varios personanan cu **Bon Dia** a combersa, a sali afo cu mayoria persona, no obstante di ki generacion nan ta, a experiencia loke e film ta trece dilanti. **Pieters** ta haya cu ta importante pa personanan di e islanan traha e tipo di filmnan aki pasobra asina ta duna visibilidad na kico ta e experiencianan y tambe cultura di e personanan di islanan ABC. **Pieters** a bisa tambe cu, 'mes-cos cu **Mario** a bisa varios biaha caba, cu mayoria nos inspiracion ta bin di afo, anto eigenlijk nos mester cuminsa wak kico nos mes por, kico nos mes por crea, pasobra ami y **Mario** sigur ta kere cu nos mes por crea produccionnan di calidad na nivel internacional."

E echo cu no tin visibilidad pa personanan di islanan ABC den produccionnan Hulandes tabata algo cu **Pieters** a haya asina deplorabel, cu e mes como actor a yega di nenga rolnan den produccionnan Hulandes. E ta conta cu: "Mi no ta bay bisa esaki



pa ta cocky, pero mi a yega di nenga produccionnan na Hulanda cu ta simplemente basa riba cultura Hulandes pasobra mi ta gewoon cla cu e idea cu no tin luga pa nos mes di e islanan pa hiba nos mesun cultura y pone riba pantaya of riba podium."

90% di 25 mil florin aporta pa comunidad di Aruba mes

Gonsalves, reaccionando riba esaki, a bisa cu e ta importante tambe pa no subestima e mesun **Rubiano** of **Cura-soleño** of **Boneriano** su propio aporte pa laga nan bos resona den produccionnan traha pa personanan di e islanan. "P'esey ta importante tambe pa nos haci crowdfunding. Esaki ta e prome biaha cu nos a yega di logra haci un crowdfunding unda nos a logra lanta 90% di 25 mil florin por

medio di pueblo di Aruba so. Esaki mirando cu nan a bisa nos cu no, e **Rubianonan** no tin credit card, nan no t'ey donate. Hustamente e apoyo ey di nos mesun hende ta yuda nos saca cara eyfo y e ora ey nos ta traha un espacio pa studiantenan aspirante of inmigrante por yega eynan mas facil, por merge den e sociedad mas facil."

Esaki riba su mes ta un logro profundo, pero **Gonsalves** ta mira cu e mester bira un prioridad tambe pa por bay contra cierto stereotipo di 'Antiyano' na Hulanda, loke e film **Patroon** ta haci den su run-time di mas o menos 15 minuut. **Gonsalves**: "Nos no mester djis pensa riba habri porta pa nos hendenan, pasobra si bo pensa riba e tema, mi a mira un articulo un poco tempo pasa unda cu ora un **Ru-**

biano of yiu di Corsou yama pa huur un cas na Hulanda, cual riba su mes ta dificil, tin un porcentahe mas halto cu nan ta nenga nan di biaha, prome cu nan haya chens di mira e cas mes. Kiermen nan ta nenga nan di biaha pasobra nan tin un cierto vision di nos cultura caba. Filmnan manera **Patroon**, cu nos mesun hendenan ta apoya, ta yuda nos cambia nan mindset, compronde? No tur hende ta criminal, tin hende ta djis pasa den duro. E ta bay riba mas cu djis film, e ta toca sociedad mes. Den esey nos ta purba ta activista y purba bringa pa nos hendenan. Nos ta gradici cu nos por a bin y presenta e film, tambe cu apoyo di gobierno, y nos ta spera cu den futuro nan sigui apoya nos, pasobra anos no ta gana nada cune, nos ta djis hacie pa e hendenan."



Women's Club of Aruba a honra ex-presidentenan



ORANJESTAD - Tur luna, pa e reunion general di miembresia, comision di Program di Women's Club of Aruba (WCA), ta scoge un tema y pa luna di februari 2020, e comision a scoge como tema 'A tribute to Presidents of our Presidents', esaki pa duna realse na e celebracion di e di 85 aniversario di existencia di WCA pa 2019-2020.

Durante di e reunion aki, a honra e ex-presidentenan y a duna reconocimiento postumo cu hopi aprecio na e ex-presidentenan cu a traha duro den nan tempo liber pa WCA y cu awe ya no t'ey mas hunto cu nos. E ex-presidentenan cu a haci acto di presencia tabata (foto di grupo): sinta d.r.p.d. Helen Mangroelal, Marva Solagnier, Omaira Silva, Milagros Posner, Rubia Maduro: para d.r.p.d. Mily Henriquez, Lilian Martis,

Diana Uchtmann, Marilu de Veer, Ruby Narain, Vivian Storm, Benita Esguerra: riba stage d.r.p.d. Bernadette Schouten, Adelaida Ponson y Enid Croes. E bunita acto aki a tuma luga durante un lunch den e Ballroom di Hotel Ritz Carlton, caminda tur ex-presidente ta ricibi un bunita certificado di reconocimiento y un medaya specialmente traha pa nan. Invitado special tabata Life Member, Rita Every, kende ta e boluntario cu tin mas tanto aña como miembro di WCA. Durante e evento aki, e gran musico, Ricky Kock, a sa di entretene tur miembro di directiva, Life Member, miembronan y invitado, cu su violin tocando cancionnan Caribense di diferente genero. Di e forma aki un y tur a pasa un momento hopi ameno y un biaha mas WCA ta yama danki na tur e ex-presidentenan pa nan añanan di amor y dedicacion como presidente di club!

Leerorkest Aruba, Boneiro y Curaçao a reuni

ORANJESTAD - Durante fin di siman directivanan di e Leerorkestnan di Aruba, Boneiro y Curacao (ABC) a reuni cu otro y a palabra di forma un relacion di trabou mas estrecho cu otro riba tereno di desaroyo di e trabou di Leerorkest na ABC.

Mester menciona cu e relacion di trabou aki ta danki na e apoyo y sosten financiero di Ministerio di Husticia y Seguridad Hulandes pa traha

hunto na crea un miho futuro pa nos hubentud. Enbes di medidanan represivo ta pone ayudo disponibel pa un programa preventivo den un cuadro "holistico" di e desaroyo di e mucha.

Cu esaki, partidonan ta uni nan mes pa traha cu otro na un desaroyo sano y na e bienestar di e mucha. Cu e lema cu 'Musica Ta Pa TUR Mucha' lo colabora y intercambia idea, planificacion y ehecucion di trabounan, midi



experiencia y resultado di e trabou pa cu e desaroyo di Leerorkest usando e metodo di Leerorkest Hulanda. Den esaki claramente tin bastante espacio pa 'Caribisa' e programa Hulandes y duna e trabou di Leerorkest su propio identidad. Den esaki lo haci uso di loke den pasado a uni nos y intercambia desaroyonan nobo pa crecemento sano di nos muchanan.

Door di usa e metodo aki den union, por logra midi e desaroyo y logro. Por ehempel Curacao despues di 4

aña y cu un total di xxx alumno ta conta cu solamente 3 "zittenblijvers". Intercambio di conocimiento y entrenamiento di docentenan lo yuda desaroya e "teamspirit" dentro di Reino. A keda acorda cu partidonan lo traha na un presentacion conhunto di Leerorkest pa cu celebracion di Dia di Reino 2020.

Cu esaki partidonan ta y lo sigui traha na ehecucion di e metodo di Leerorkest y na un evaluacion conhunto di e logronan.

Studiantenan di IPA ta participa na Perspectiva Mundial

ORANEJSTAD - Durante e di tres aña di e estudio pa Maestro di Enseñansa Primario na Instituto Pedagógico Arubano (IPA), e studiantenan ta participa na e programa Perspectiva Mundial. E programa aki ta uno holístico, unda ta pone énfasis riba e integración di e concepto Desarrollo Sostenibel a base di e asina yama ‘Sustainable Development Goals’ (SDG’s). E aña aki ta enfoca riba Educación Sostenibel (SDG 4).

Perspectiva Mundial ta inclui un pasantia internacional di un luna den exterior, na un di e institutonan di enseñansa superior cu cual IPA tin un acuerdo. Pa medio di esaki e studiantenan ta haya oportunidad pa profundisa nan mes den nan profesion, haci investigación den enseñansa y pasa den un proceso di desarrollo personal, social y cultural.

E aña aki, e studiantenan a scoge pa bishita diferente instituto na Hulanda, Costa Rica y Argentina. Esakinan ta: Hogeschool van Arnhem en Nijmegen (HAN) y Haagsche Hogeschool na Hulanda, Universidad Nacional de Costa Rica na Costa Rica y Instituto Superior de Formación na Buenos Aires na Argentina.

Un palabra di gradicimento ta bay na tur persona of instancia cu a contribui di un manera of otro na e biahe di e studiantenan. Alabes IPA ta gradici e famia di e studiantenan pa nan sosten. IPA ta desea e studiantenan hopi éxito den Perspectiva Mundial y nan pasantia internacional.





Publico prohibi di ceremonia di flambeau Olimpico 2020 na Grecia

ATHENS, Grecia (AP) — Lo tene publico leu di e ceremonia di cende flambeau Olimpico na Ancient Olimpia diahuebs pa motibo di coronavirus.

Lo permiti unicamente 100 invitado acredita pa presencia e evento tradicional, segun Comité Olimpico Griego a

bisa dialuna.

Un ensayo diaranson pa e flambeau Olimpico di Tokyo 2020 tambe lo ta cera pa publico, pa cumpli cu restriccion di gobierno Griego pa preveni transmision di e virus.

E comite na Tokyo organ-

izando e Olimpiada a bisa cu lo 'reduci tamaño di su delegacion di biahe lo mas cu ta posibel'.

Oficialnan di Tokyo anteriormente a bisa cu no lo manda 140 mucha na Grecia pa despedi e flambeau proximo siman na su biahe pa Hapon.

Trainer, veterinario y otroan acusa den schema pa droga cabay di careda

(AP) — Mas di dos decena di persona, incluyendo trainer di campeon Maximum Security, a ser acusa den locual autoridadnan a describi ayera como un schema amplio internacional pa droga cabaynan pa pone nan core mas lihe.

Trainer Jason Servis, kende su establo ta inclui e campeon di 3 aña, a ser acusa cu administra droga pa mehora prestacion na e cabay aki y otroan. Maximum Security a crusa e linea final na prome luga na e Kentucky Derby 2019, prome cu a ser descualifica pa interferencia, y desde esey el a gana cuatro di su cinco careda di perfil halto.

E acusacion contra trainernan, veterinarianan y otroan tabata detaya den documento revela ayera na corte federal na Manhattan. Cargonan contra e 27 persona ta inclui adulteracion di droga y

conspiracion pa 'misbranding' (marca deceptivo).

Segun William F. Sweeney Jr., director asistent a cargo di oficina di FBI na New York, a duna e cabaynan droga den un esfuerço pa mehora nan prestacion mas leu di nan habilidadnan natural. "Locual a pasa cu e cabaynan ta nada menos cu abuso. Nan a sufrí problema cardiaco, fractura di pia, y den algun caso, morto. Conversamente, e humano involucra den e schema a continua yena su saco mientras nan a manipula e industria multibiyonario di careda di cabay globalmente." Autoridadnan ta bisa cu e droganan por causa e cabay pa forsa su mes demasiado, conduciendo na problemanan di curason of morto. Segun e acusacion, otro droganan cu a usa pa elimina sensibilidad di e cabay pa dolor y mehora su prestacion tambe por a conduci na fractura.

Autoridadnan ta bisa cu participantenan den e fraude — afectando careda na New York, New Jersey, Florida, Ohio, Kentucky y Emirato Arabe Uni — a gaña reguladonan federal y estatal, agentenan di aduana Mericano, varios regulado estatal di careda di cabay, y e publico participando den wega di placa.

Na corte, ta acusa Servis di duna Maximum Security un droga yama SGF-1000, recomendando esaki na otro trainer y conspirando cu un veterinario pa pone muestra como un positivo falso pa otro substancia. E otro trainer, Jorge Navarro, tambe ta acusa.

Dia 29 di februari Maximum Security a gana e careda mas rico di mundo, e Saudi Cup di \$10 milyon. Ta acusa Servis di duna droga na 'vir-



tualmente tur cabay den su control'. El a inscribi cabay den careda aproximadamente 1,082 biaha for di 2018 te cu februari 2020, segun autoridadnan.

Un di e cabaynan di Navarro nombra como un cu a ricibi e droganan, X Y Jet, tabata responsabel pa ganashi di mas di \$3 milyon, y a fayece di un

aparente atake di curason na januari.

Presidente y CEO di National Thoroughbred Racing Association, Alex Waldrop, a bisa: "No tin luga den nos sport pa individuonan cu ta trata cabay cu indiferencia pa nan bienestar, of ta socava integridad di nos competencia pa nan interes personal."

Eventonan deportivo na Italia mester stop pa motibo di virus

LONDON (AP) — Tabata spera pa tur evento deportivo na Italia stop for di awe, pa motibo di brote di e virus, incluyendo division top di futbol y eventonan di preparacion pa Olimpiada na Tokyo.

Comité Olimpico Italiano,

cu ta supervisa tur evento deportivo na e pais, a bisa den un declaracion ayera cu e suspension lo keda na vigor te cu dia 3 di april, y lo solicita un decreto gubernamental pa impone su decision.

Minister di Deporte Italiano, Vincenzo Spadafora a bisa cu

ya e tabata trahando riba un decreto nobo 'cu nos ta spera por firma mañan'.

Na Italia, alrededor di 16 milyon persona ta bou lockdown den parti nort di e pais.

Division top di futbol Italiano a resumi diadomingo cu cinco wega den stadion bashi. Ta falta 12 ronda, cu ocho biaha campeon defensor, Juventus teniendo un bentaha di un punto riba Lazio.

No a cancela Serie A desde Segundo Guerra Mundial. E anuncio di Comité Olimpico Italiano, conoci como CONI, a yega algun minuut prome cu Sassuolo a ricibi Brescia den un partido di futbol. E partido — muy proba-

blemente e ultimo den Serie A pa varios siman — a tuma luga segun programacion den un stadion bashi, y delantero di Sassuolo, Francesco Caputo a manda un mensahe di consuelo despues di anota e prome di su dos gol den un victoria 3-0. El a muestra un borchí lesando: "Tur cos lo ta OK. #KedaCas" den Italiano.

CONI a bisa cu su decision no ta inclui competencia internacional 'pa club of team nacional' ya cu no ta coberna esakinan. Juventus, Napoli y Atalanta cada un ta competiendo den Champions League, mientras Milan y Roma ainda ta den Europa League.

Anteriormente, federacion di landamento Italiano a bisa cu ta retirando su teamnan di eventonan internacional y a cancela un encuentro di clasificacion Olimpico programa pa otro siman na Riccione.

Olimpiada na Tokyo ta programa pa cuminsa den cuatro luna y mey. Mas di 300 atleta Italiano a clasifica pa Rio de Janeiro 2016.

Hasta e ceremonia di cende flambeau pa Olimpiada Tokyo2020 ta afecta. Lo tene publico leu di e evento na Ancient Olympia diahuebs, segun Comité Olimpico Griego. Unicamente 100 bishitante acredita lo ta permiti pa ta presente.



Ronaldinho deteni enfrentando cantidad di problema pafu di cancha

SAO PAULO (AP) — Strea di futbol retira, Ronaldinho y su ruman ta deteni na Paraguay despues di ser acusa di drenta e pais usando paspoort falso. Tabata lo mas recien den un cadena di incidente involucrando e icono di Barcelona, kende oficialmente a retira na 2018 despues di varios temporada decepcionante.

Aki un bista di e problemanan cu e Brasileño a enfrenta pafu di e cancha den añanan recien.

Paspoort Paraguay

Ronaldinho y su ruman Roberto de Assis ta deteni despues cu nan a yega Asuncion diaranson cu paspoort falso. Nan abogado, Sergio Queiroz a confirma cu e documentonan tabata falso, pero cu nan tabata un regalo di un comerciante, tambe deteni.

Ronaldinho y Assis a bisa cu nan a bay Asuncion pa motibo di negoshi. No ta cla pa-

kico e ex- futbolista a drenta Paraguay usando e paspoort, considerando cu Brasileñoan por drenta e pais bisiña usando nan carichi di identidad nacional. Un fiscal local a bisa medionan Brasileño cu lo investiga Ronaldinho pa otro supuesto crimen, pero no a revela kico esakinan ta.

Investigacion riba Instituto Ronaldinho Gaucho

E Instituto Ronaldinho Gaucho (IRG), cu a cera na fin di 2010, a ser investiga den dos ocasion pa supuesto contract iregular cu city hall di Porto Alegre. Na 2012, consejalnan a acusa cu a paga mas di \$100mil na e instituto. E investigacion a termina despues cu politiconan a dicidi cu e futbolista y su ruman no tabatin mal intencion den e caso.

Tres aña despues, fiscal di estado di Rio Grande do Sul a busca pa habri otro caso basa riba investigacion di 2012, pero e bialha aki bisando cu iregularidadnan a yega

\$300mil. Un hues a bisa cu no tabatin base pa sentencia e rumannan.

Crimen ambiental

A multa Ronaldinho pa construi un plataforma ilegal di piscamento y pier na riu Guaiba na su ciudad natal Porto Alegre na 2015. El a reta e decision pa añanan te cu un hues a kita su paspoort, bisando cu e mester paga dañonan di alrededor di \$2 milyon.

A pesar di no tin paspoort, Ronaldinho a bira embahador di turismo pa administracion di presidente derechista Jair Bolsonaro na september. Despues, el a paga full e suma y a ricibi su documentonan bek.

Cryptomoneda

Ronaldinho ta bou investigacion desde cuminsamento di aña pa motibo di su lasonan cu un compania di cryptomoneda yama 18kRonaldinho, cu a priminti retorno lucrativo. Victimanan a bisa



medionan cu e iniciativa tabata un schema pyramid y a demanda pa dañonan di mas di \$65 milyon di e compania. Abogado di Ronaldinho ta bisa cu e no ta involucra.

Sosten ultra- derechista

Barcelona a distancia su mes di e sosten di nan ex- strea pa Bolsonaro, congrechista di ultra derecha cu a yega na poder na 2019. Despues cu e futbolista a sostene Bolsonaro, vocero di e club Josep Vives a bisa den un conferencia di

prensa na 2018 cu balornan democratico di Barcelona 'no ta coincidí cu e palabranan cu nos a scucha di' Bolsonaro. Desde esey, Ronaldinho ta poco presente na eventonan di e club.

Debe

Corant Folha de S.Paulo a reporta na juli cu Ronaldinho tin debe di mas di \$2 milyon. Sikiera cuatro di su propiedad a bay den findishi cu corte na Rio Grande do Sul.

Protesta den Bundesliga:

Fanaticonan contra federacion di futbol Aleman

BERLIN (AP) — Tabatin mas protesta amplio durante weganan di Bundesliga den weekend, mientras fanaticonan a expresa nan rabia contra federacion di futbol Aleman.

Ultra di Bayern Munich a enfoca riba management di nan propio team diadomingo mientras a critica presidente Karl-Heinz Rummenigge pa su reaccion fuerte contra protestanan e weekend anterior y a cuestiona e lasonan di patrocinio di e club cu Qatar.

Sostenedonan rond e pais a

monstra nan banda inventivo desplegando borchí ingenioso abordando un cantidad di problema sin resorta na insulto personal contra biyonario sostenedo di Hoffenheim, Dietmar Hopp cu a conduci na paramento di weganan e weekend anterior.

E federacion a adverti cu si ripiti insultonan lo suspende of cancela weganan.

Tabatin caos den e liga siman pasa, na momento cu fanaticonan a enfoca riba Hopp y e federacion, cu a instrui referee pa usa e procedura di

tres stap di FIFA pa maneha e abuso – un medida originalmente desaroya pa combati racismo. Casi a conduci na abandono di dos wega despues cu referee a bay na Stap 2.

Presidente di Union Berlin, Dirk Zingler, a critica e federacion den un entrevista cu corant Die Welt diabierna, bisando cu a perde contacto cu mayoria di sostenedonan na Alemania y cu su autoridad tabata dañá despues di añanan di scandal.

Presidentenan di e federacion, Theo Zwanziger, Wolfgang Niersbach y Reinhard Grindel tur a ser forsa pa retira entre acusacion di corrupcion, prome cu ex- presidente di Freiburg, Fritz Keller a tuma over aña pasa.

“Si (e federacion) ta kere cu por trata hende y organisacionnan manera a haci durante ultimo 10 pa 20 aña, esey no ta traha”, Zingler a bisa.

E federacion a bisa diabierna cu a bay demasiado leu den implementacion di e procedura di tres stap, y cu mester permiti critica di fanaticonan tanten cu e no tin odio ni difamacion.

E sostenedonan no tabatin mester di un segundo invitacion.

Fanaticonan di Mainz a bisa cu prioridadnan di e federacion tabata robes. “Mundial regla cu soborno, presenta como un cuento di hadas, esclavitud ignora, racismo, y con sinberguensa a namora un biyonario insulta”, segun un borchí durante wega di Mainz cu Fortuna Dusseldorf diadomingo. “Tur balor ta igual. Esun cu tin placa tin e moral!”

Rummenigge tabata un objetivo, pa describi e protestanan weekend anterior como ‘e cara grotesco di futbol’.

Na Dortmund, fanaticonan a tene potret di Rummenigge, Hopp, presidente di e federacion Fritz Keller, y otronan cu nanishi cora di payaso, tras di un borchí bisando: “E caranan grotesco di futbol.”

Fanaticonan di Hertha Berlin a tene borchí bisando: “Soborno, castigo colectivo, morto na Qatar. Ta cla ken ta e cara grotesco di futbol.”

Fanaticonan di Freiburg a critica Keller, kende tabata

presidente di nan club prome cu el a tuma over e federacion. Tambe a bisa cu e federacion tabata Hopp su federacion di futbol.

Fanaticonan di Schalke a disculpa na prostitutan pa vincula nan cu Hopp, y a critica e posicion di nan propio club riba discriminacion mientras a faya di clarifica adecuadamente e comentarioman racista cu presidente di Schalke, Clemens Tonnies a haci na cuminsamento di e temporada.

Fanaticonan di Bayern a monstra un borchí cu un lista di keho contra e federacion: Castigo colectivo, prijs di ticket inhusto, asistencia di video den wega, reduccion di e regla di 50-plus-1 pa protege clubnan di takeover di inversionista, prohibicion di pyrotecnia na weganen, y mas. Tambe a critica Rummenigge. “E cara grotesco di Bayern ta monstra pa esunnan cu ta tuma placa di sanger di Qatar”, un borchí a bisa.

Esaki por ta e ultimo protesta pa algun tempo. Miedo pa expansion di coronavirus probablemente lo mira e proximo set di wega tuma luga sin publico.



Richard Wolff campeon di Campeonato Nacional bola 8

ORANJESTAD – Recientemente a tuma luga e prome Campeonato Nacional bola 8. Esaki ta e prome evento di un total di 6 pa clasifica e top 3 hungado nan di Aruba “overall” pa Campeonato Panamericano 2020.

Un Richard Wolff totalmente dominante a sa di bira Campeon di e siglo nobo aki. Un Jorzhino Everon tambe cu a sa di domina durante 2 dia pero ta cay venci den final.

Un total di 32 hungado a hunga e aña aki. Cuminsando diabierna pa 6.15 y a sa di bay te den ora nan laat di anochi y siguiendo diasabra pa 2or di merdia pa asina anochi haya sa ken lo bira e prome Campeon.

Tambe kier a felicita Duty Kock pa su prome Nacional hunga cu a sali na di 13 luga.

Resultado top 8 hungado:

#1 Richard Wolff

#2 Jorzhino Everon

#3/4 Gunnar Leonardo, Jason Kock

#5/8 Martin Appeldoorn, Emil Kock, Ryan Rampersaud, Roukos Tannory

Next stop lo ta Maart 31 (8 ball qualy)



Quality Chiropractic Clinic/Grasshoppers campeon den Division di Senior di liga

ORANJESTAD - Recientemente Quality Chiropractic Clinic/Grasshoppers ta titula campeon den Division di Senior di liga Central Braulio West-er.

E final den Senior Division den Liga Central a bay entre Quality Chiropractic Clinic/Grasshoppers y e ekipo di Stars den 15 - 16. E dos ekiponan aki tabata e mihonan den e temporada aki cu Quality Grasshoppers cu nan status como ekipo invicto. Pa loke ta e wega mes esaki tabata uno hopi bon y sigur preta. Na final e ekipo di Quality Chiropractic /Grass-

hoppers Senior division (15-16) ta sali campeon despues di a derota e ekipo di Stars cu e score di 4 - 3. Notable ta cu Xanron Dijkhoff cu un tremendo fildeo den ultimo inning ta yuda su ekipo coy campeon y asina scapa un daño ey.

Pitcher ganado a bira Antwone Tromp cu a tira 5 inning y a permiti solamente 3 careda. Den relevo Marshall Albertsz a salba e wega den e di 6 inning. E miho batia-donan pa Quality Chiropractic Clinic/Grasshoppers tabata Nathon Cruz di 3-1 cu un doblete, Shawn Bareño cu homerun empuhando 3 careda.



Cos birando hot den campeonato division honor

ORANJESTAD - Despues di e resultadonan di e weekend cu a pasa, e standing di e Division Honor 2019/ 2020, ta muestra hopi interesante y cuidao cu e aña aki, cu kisas tin sorpresanan grandi na caminda.

Diabierna ultimo, e abejanan di Dakota ta gana e ekipo di United facilmente cu score di 7 - 0. Cu e resultado aki, Dakota ta keda trankil na di dos luga, mientras cu United ta keda den sotano cu 0 punto.

E goalnan di Dakota a wordo anota Joshua Gross 2x, Randell Gross 2x, Jean-Pierre Heyden, Fernando de Sousa y Daniel Briceño.

Diasabra 7 maart tabata tin 2 wega interesante. E prome wega tabata entre e tricolornan d Solito, RCA y La Fama. La Fama tabata mester di un victoria, pa sali for di posicion di Promocion/ Degradacion y un victoria pa La Fama lo yuda La Fama, keda den contienda pa Play-off tambe. E tricolornan no a basila y ta

gana e wega cu score di 2 - 0. Cu e victoria aki, RCA ta keda solido na e prome luga den e Division Honor. Goalnan di RCA a wordo anota pa Walter Bennett y Kevin Peña.

E di dos wega di Diasabra a conoce un sorpresa ora cu e Piratanan di Caravel ta propina e Dragonnan di Nacional un derota di 2 - 0. Un resultado cu ta yuda Caravel keda den contienda pa e Play-off, mientras cu Nacional ta perde oportunidad pa tuma distancia for di e otro ekip-

onan. Goalnan di Caravel a wordo anota pa Wveimar Galeano, mientras cu e otro goal a bin por medio di un auto gol.

Diadomingo 8 maart, tambe tabata tin 2 wega sumamente interesante. E prome wega a bay entre e naranjadan di Santa Cruz, Estrella contra e Uptown Boys di Brazil Juniors. Estrella tabata na di 4 posicion prome cu e weekend y un victoria lo a pone nan yega, 18 punto pareu cu Nacional. Brazil Juniors cu ta den un racha di 3 wega gana, a cuminsa haya holo di Play-Off. E Uptown Boys ta sigui cu nan racha, y ta gana Estrella cu score di 3 - 2. Cu e victoria aki Brazil juniors ta yega 13 punto, dos punto tras di Estrella, cu ta keda na di 5 luga. Goalnan di Brazil Juniors a wordo anota pa Kenroy Ranger 2x y Shequan Cornett, mientras cu e goalnan di Estrella a keda anota pa Trevor Faro 2x.

E di dos wega di Diadomingo a bai entre e Pumanan di Piedra Plat, Britannia y e Orgulonan di Noord, Bubali. Un victoria lo yuda ambos ekipo pa keda den lucha pa clasificacion pa Play-off. Tur dos ekipo tabata tin mes hopi gana pa gana e wega y asina tambe

e wega ta keda empata 3 - 3. Goalnan di Bubali a wordo anota pa Jhon Silva, Rennick Maria y Edmar Tromp. Pa Britannia ta anota Joel Geerman, Johnathan Ruiz y Pieter Susebeek.

Cu e resultadonan aki e standing pa locual e Division Honor, ta keda SUPER interesante. RCA ta solido na prome luga, sigui pa Dakota cu tambe ta muestra basta safe pa su clasificacion pa Play-off. Pero entre e ekipo nr. 4 Bubali y e ekipo nr. 9 La Fama, tin apenas 4 punto diferencia. Esey kiermen cu tur cos por bolter ainda. E weekend venidero e Campeonato ta sigui cu 4 wega. E wega entre Bubali y Nacional a keda cancela (e wega aki lo wordo programa di nobo.). Diabierna awor, 13 maart e dos clubnan di Santa Cruz, Estrella y Caravel lo enfrenta otro. Estrella ta na di 5 luga cu 15 punto, mientras cu Caravel ta na di 6 luga cu 13 punto. Diasabra, 14 Maart lo tin 2 wega. Dakota ta enfrenta La Fama y despues Britannia lo enfrenta United. Diadomingo lo tin un solo wega, e Tricolornan RCA cu keto bay ta invicto lo enfrenta e Uptown Boys di Brazil Juniors, cu tin un racha di 4 victoria sigui.



Parlamentario Endy Croes(MEP):

‘Benny no ta compronde e diferencia entre erfpacht y eigendoms grond’

ORANEJSTAD - Parlamentario Endy Croes por a tuma nota di un artikel cu Benny Sevinger a publica recientemente alrespecto WEB. Textualmente Benny a skirbi “ ta bon pa muestra aki cu e terenonan aki ta di WEB Aruba NV caba, nan ta pagando grondbelasting añanan largo caba pero gobierno di Evelyn kier pa WEB cumpra e tereno aki for di gobierno pa asina e por haya 17 miyon florin”.

Parlamentario Endy Croes a desmenti e forma cu Benny ta trece esaki dilanti totalmente. Alabes esaki ta un muestra cu Benny Avestruz Sevinger kende pa 8 año tabata e minister encarga cu tereno y kende ta e sospechoso mayor actualmente riba e investigacion cu ta andando riba fraude y corrupcion miyonario hustamente riba tereno, no ta compronde ni domina un pataraca riba asunto di tereno. Un tereno duna den erfpacht via un erfpachtovereenkomst ta keda di gobierno y esun di WEB al momento no ta diferente. Pues con Benny por conclui cu e tereno ta di WEB caba ta incompredibel. Of e kier plee “bobo” of e ta un “bobo”? Benny no ta yegando trabou y como prueba awe nos ta publica postbus di Benny Sevinger na Parlamento ilustrando cu e no ta ni pasa busca su documentonan.

P’esey e ta papia disparate den su conferencianan di prensa y kere cu ainda tin hende ta kere locual e ta bisa. Corda ta mesun Benny aki a grita cu “ I dont give a damn! Un tereno erfpacht ta keda un tereno di go-

bierno cual gobierno mediante un “erfpachtovereenkomst” ta yega na acuerdo cu e ciudadano of un negoshi (comercieel) esta si e erfpacht ta wordo duna comercieel pa un x cantidad di año por uza e tereno ey y e tereno ey ta keda di gobierno. Erfpacht (lease land) den terminologia di accountant ta wordo categorisa como rent expenses. Sinembargo eigendomsgrond (property land) ta un assets. Por a tuma nota cu Benny Sevinger no ta reconoce e diferencia y awor nos por compronde miho e desaster cu el a causa maneando e cartera aki. Benny Avestruz ta gaña totalmente momento el a bisa cu WEB lo cumpra e terenonan pa 17 miyon. Gobierno a inicia un proceso cu Hulanda tambe a pasa aden hopi año pasa unda ta brinda oportunidad pa companianan estatal, Negoshinan, ciudadanonan cumpra e erfpacht unda esaki lo bira eigendomsgrond.

A inicia cu e companianan estatal di cual WEB ta un di nan y tur hunto cu a opta pa cumpra nan tereno convirtiendo esaki di un erfpacht pa eigendomsgrond lo produci minimo 17 miyon den 2020. Pues e storia cu ta WEB so lo paga 17 miyon atrobe ta bin di un politica putri di Mike Eman, Benny y AVP. Pueblo tabata na tempo pa core malamente cu esunnan di AVP cu a horta e pais aki malamente y poco poco pero sigur ta bin sali afo banda cu nan a crea un Mega Debe y laga un desaster atras, cu nan no tabata apto pa compronde e materia y maneha nos pais. Laga nos haci un compromiso pa nunca pero nunca mas e hendenan aki bini bek na poder.



Parlamentario Richard Arends(AVP):

‘Gobierno ta gasta 80 miyon mas na 2020 compara cu 2017’

ORANJESTAD - Durante conferencia di prensa di partido AVP, Parlamentario Richard Arends a reac-

ciona en breve riba Presupuesto 2020 cu ta den man di Parlamento. “E presupuesto aki ta confirma cu

gastonan di gobierno a aumenta cu casi 30 miyon di florin y – contrario na loke Gobierno a anuncia –

un reduccion di 11 miyon di florin na pagonan di interes, mientras cu ta conta cu casi 90 miyon di florin adicional na entrada compara cu 2019,” Sr. Arends a muestra.

“Si compara e cifranan cu e ultimo presupuesto di Gabinete Mike Eman II na 2017, por a tuma nota di un aumento di 82 miyon di gasto di cual 40 miyon ta solamente pa operacion di gobierno y gastonan di personal y un aumento di 210 miyon florin na entrada danki na e medidanan cu a ser implementa. E presupuesto pa e año aki tin un suma di 55 miyon na entradanan incidental for di empresanan estatal, concesionnan pa plantacion di cannabis y fondonan pa mercadeo di nos turismo sin duna splicacion con lo cubri esakinan e añanan siguiente.”

“Ainda tin 150 miyon florin na entrada cu mester wordo dicidi ainda riba djey Parlamento no a haya nada ainda encunto e reforma fiscal.

Nos por conclui cu Gobierno lo introduci un BBO di 6% na frontera cu mester bay genera un suma di 36 miyon florin, un aumento di deviezenprovisie di 1.3% pa 1.9% cual lo mester genera 23 miyon di florin. Ambos medida lo causa un perdida di poder di compra pa ciudadanonan y aumenta e gasto di haci negoshi pa nos empresanan.”

“Ademas di lo ranca 35 miyon di florin for di fondonan di promocion y mercado maneha pa ATA, lo aumenta e toeristenheffing sperando cu esaki lo genera rond di 15 miyon di florin. Gobierno ta opta pa risga nos posicion competitivo sin sa con e epidemia di coronavirus lo afecta nos turismo y consecuentemente nos economia. Manera CAFT a indica den nan conseho inicial, Gobierno ta opta pa sigui ranca placa di pueblo, comercio y awor tambe for di e sector turistico sin un reduccion genuino di su gastonan,” Parlamentario Richard Arends a declara.



Parlamentario Richard Arends(AVP):

‘Ponencia di CAft confirma: Presupuesto 2020 yen di medida’



ORANJESTAD - “Frac-cion di AVP ta sumamente preocupa pa efecto di e medidanan den presupuesto 2020 pa perspetivanan di crecimiento economico,” segun Parlamentario Sr Richard Ar-

ends ayera mainta para dilanti di Banco Central vociferando e preocupacion y incertidumbre grandi aki.

Den e periodo 2013 pa 2017, Aruba a conoce un crece-

mento economico solido danki na un maneho di inversion robusto hiba pa gabinete Mike Eman. “Perspectivanan pa crecimiento economico ta wordo frena na e momento aki pa e aumento di impuesto cu nos ta conociendo for di

2018.”

Presupuesto pa aña 2020 ta yega su norma di surplus di +0.5% a base di medida. “Tur expectativa pa un crecimiento economico, con conservativo cu esakinan lo por ta, ta bira hopi pero hopi chikito,” Sr. Arends a splica. Un presupuesto cu un formato diferente, caminda derecho di Parlamento ta wordo mina un biaha mas. “Parlamento lo aproba solamente e gastonan total na nivel di ministerio y ta duna e minister carta blanco pa reparti e fondonan manera cu e ta haya ta bon dentro di su ministerio,” sr Arends a mustra. “E desaroyo aki sigur ta algo sumamente cuestionabel y a trece esakinan dilanti den e reunionnan preparativo. Sinembargo nos por a constata cu no a duna oido na a preocupacionnan di miembronan di Parlamento.”

“Ta trata aki di un presupuesto incompleto, como cu gran parti di e entradanan presupuesta no tin base legal ainda,

mirando cu e leyman cu ta formalisa e reforma fiscal no a yega Parlamento ainda.” No obstante esaki Parlamento a haya solamente un siman di tempo pa haci pregunta por escrito mientras cu e presupuesto ta 6 luna laat.

Gobierno a anuncia cu e presupuesto aki ta den liña cu palabracionnan cu CAft y pa kita cualquier intervencion for di Consejo di Minister di Reino. “Esaki ta un punto di salida completamente robes caminda cu ta aumenta impuesto riba lomba di ciudadano, comercio y nos unico pilar economico pa asina cumpli cu palabracionnan cu Gobierno riba su mes. Manera cu CAft a indica caba den su prome reaccion: gobierno ta yega e normanan stipula, unicamente door di e medidanan nobo cu lo wordo implementa y mustrand tambe cu no tin un reduccion genuino di gastonan,” segun declaracion di Parlamentario Richard Arends.

Parlamentario Endy Croes(MEP):

‘Bo no por a hoga Aruba den debe na e manera inhumano aki’

ORANJESTAD - **Parlamentario Endy Croes ta expresa su mes alrepecto x lider di AVP Mike Eman. Despues di eleccion mesun anochi Mike Eman a distancia su mes como Lider pero aparentemente actualmente mientras cu AVP ta den e proceso pa busca un Lider nobo Mike ta fungi como Lider by choice.**

Pues cada tanto luna e ta purba sali di su cueba y bin dilanti pa midi dado caso e por tin influencia of forsa ainda pa lanta un pueblo. Parlamentario Endy Croes a splica cu su tarea como Parlamentario banda di ta trahando duro pa controla gobierno tin un deber politico esta un deber pa recorda pueblo kico “haragannan” di AVP bou di Liderazgo di Mike Eman a comete cu nos pida baranca. Responsabilidad ta cuminsa na e Lider di partido alabes ex Minister Presidente e tempo aya pa cu su gobierno. Mike Eman no bin gaña di bisa awe cu Paul Croes por ehempel condena na 4 aña di prizon cu Mike no tabata sa kico tabata pasando den su gobierno. Mike Eman no por bisa awe

cu e no tabata sa cu Benny Avestruz Sevinger cu a corumpi nos sistema dunando asistencia y cooperacion di gobierno pa bende terenonan comercial den un estructura di NV “mafiando” masha propiedad di pais Aruba pa enrikece nan mes.

Mike Eman no por bisa cu e no tabata sa cu Mike de Meza a hedge WEB costando un total di 230 miyon. Mike Eman no por bisa cu e no tabata sa cu Patrick Paskel y Speed a cobra 7 miyon structuralmente mediante diferente compania entre otro Thera Group y Paxi pa propaganda gobierno y ministernan. (E Papa di Roma Dowers tambe ta riba e lista di 7 miyon aki pues stop di ple santo). Mike Eman no por bisa cu e no tabata sa cu Sjiemfat a cobra 5.3 miyon na deskundig advies. Mike Eman no por bisa cu e no tabata sa cu a paga 142 miyon di pueblo na fiesta di coordinadonan. (Dakin Bo t’ey?). Mike Eman no por bisa cu e no tabata sa cu Richard Arends riba lista di AVP a cobra bou di un estructura Horizon Company di su mesun persona 4 miyon for di e pueblo aki. (Richard conta

pueblo un poco di Bo tereno y mansion na malmok). Mike Eman no por bisa cu e no sa cu su ruman a ricibi 1.6 miyon for di ATA pa un solo auto di careda. (Ta ful Parlo Marga por a wordo drecha cu e suma aki).

Esaki no ta friend and family pero esaki ta “Blues Brothers” from me to you! Mike Eman no por sconde awor cu cifranan oficial ta riba mesa cual a comproba cu bou gobernacion di AVP prijs di coriente a aumenta cu 35.7%. Pues ki ora Mike gaña di grita cu el a baha prijs di coriente esaki ta un mentira. Mi ta rete riba esaki. Mike Eman no por bisa cu e no tabata sa cu Mike De Meza a malgasta 20 miyon di RDA sin cu refinaria a habri y un solo fiesta cu Destra nan a paga 780 mil. Mike Eman no por bisa cu e no tabata sa cu Utilities a paga New York Times 90 mil florin pa publica un atriikel di Mike. Mike Eman no por pretende cu a gasta cu TNO, Phillips Lighting y Whubbo Ockels riba 12 miyon florin. Sin conta locuranan di Green Conferense y Europ meets America unda miyones a bay. Mike Eman no por bisa

pueblo cu e no tabata sa cu e proyectonan PPP cu AVP a traha lo bay costa pueblo 82.4 Miyon pa aña cual nos lo caba di paga te na 2044. Mike Eman no por splica pueblo cu e no tabata sa cu el a firma pa presta 2000 miyon y pueblo lo mester paga 232 miyon solamente na interes riba placa cu Mike Eman a presta. Esaki ta tiki di e lista largo cu nos tin. Ora Bo lesa esaki Bo

por conclui cu Mike Eman ta un Lider “putri” cu a kibra e pais aki financieramente, moralmente y socialmente. Kisas e kier a regala Hulanda nos baranca tan stima a cambio pa un posicion den Parlamento Europeo? Ban spera cu nunca, pero nunca mas pueblo duna AVP un confianza. Bo no por confia pushi cu pisca.



Premier Evelyn Wever-Croes:

‘Terminal di energia Aruba ta un compania completamente di pueblo di Aruba’

ORANJESTAD - Premier Evelyn Wever-Croes a ricibi pregunta di Parlamentario Edgard Vrolijk (MEP) relaciona cu acusacion di oposicion den direccion di Premier Wever-Croes. Politiconan di partido AVP ultimo simannan ta insinuando cu Premier Wever-Croes a traves di su famianan lo ta doño di e compania recién incorpora Terminal Di Energia Aruba (TDEA). Parlamentario Edgard Vrolijk mesora a demanda claridad di Premier Wever-Croes.

Cumpliendo cu e transparencia cu semper e ta aplica den su trabou, Premier a publica e contestanan riba e preguntanan

TDEA

Compania Terminal di Energia Aruba a wordo lanta pa por tuma over e terminal una bes Citgo traspasa esaki pa Gobierno, mientras cu Gobierno ta en busca di un otro operador pa e terminal. E rason cu Gobierno mes no por a tuma e terminal over, ta pasobra Gobierno ta conveni cu a traves di un compania estatal, e terminal por wordo opera mas eficientemente. E motibo cu Gobierno a scoge pa RdA no tuma e terminal over, sino un compania estatal nobo, ta pasobra RdA lo mester tuma over e operacion di e refineria, pa mantene esaki mientras Gobierno ta busca un otro operador pa e refineria.

Ken ta doño y ken ta director di TDEA?

E accionnan di TDEA ta pa 100% den man di RdA y e ac-

cionnan di RdA ta 100% den man di Gobierno di Aruba. Pues ta trata di un compania estatal cu ta totalmente den man di pueblo di Aruba. Premier a manda e registro di accionista pa prueba esaki na e Parlamentario.

E director di TDEA ta RdA. Premier a manda e registro di Camara di Comercio como prueba di esaki. Premier a manda tambe e acta di incorporacion di TDEA.

Cu esaki ta prueba cu e acusacionnan di oposicion ta totalmente falso.

Por cierto esaki ta e mesun estructura cu tin entre RdA y FMSA desde 2016, pues no ta algo nobo ni diferente.

Rudy Croes

Parlamentario Vrolijk a puntra tambe si Rudy Croes, ex Minister di Husticia ta den servicio di Gobierno. Esaki

basa riba acusacionnan di AVP cu e lo ta gana hopi placa den servicio di Gobierno. Riba esaki Premier tabata hopi enfatico.

“Sr. Hyacintho Rudolf “Rudy” Croes, no ta den servicio di Gobierno y no tabata den servicio di Gabinete Wever-Croes na ningun momento. Sr. Hyacintho R. Croes a wordo nombra pa Minister di Husticia actual como miembro boluntario den e comision consehero special Security Advisory Board & Task Force (SABTF), a base di su experiencia amplio como ex Minister di Husticia. SABTF tin entre otro como tarea pa conseha Minister di Husticia riba tereno di maneho pa preveni y combati criminalidad, optimalisa seguridad na frontera, y garantiza seguridad di henter comunidad.

Mi ta lamenta cu, mirando cu Rudy, al igual cu esposa di lider di AVP, ta luchando pa su salud, AVP no sa di respetar esaki, y hasta den circunstancianan difícil asina, ta scoge pa lastra hendenan cu no a haci nan nada. E nivel di politica di AVP lamentablemente ta birando dia pa dia mas baho y mas mahos. Ta tristo ora cu e unico oposicion cu bo por hiba, ta basa riba mentira y creando odio contra hendenan cu no ta ni den politica mas pa defende nan mes. Pero esaki pueblo lo sa di husga e nivel mahos aki di politica, otro aña ora tin eleccion”, Premier Wever-Croes a duna di conoce y ta spera asina di a contesta e preguntanan di Parlamentario Edgard Vrolijk.

Parlamentario Shailiny Tromp-Lee (MEP):

‘Parti di proyecto cu el a presenta na Minister a bira realidad’

ORANJESTAD - Parlamentario Shailiny Tromp-Lee ta enfatisa con contento e ta cu parti di un proyecto cu el a presenta na Minister Dangui Oduber y ex minister Otmar Oduber a bira realidad.

Segun Tromp-Lee ya a duna atencion parcialmente na e molester di stof door di e desaroyo turistico pa loke ta trata diferente ‘tour styles’ di avenida manera UTV’s y Off Road tours. A pone piedranan grandi pa preveni pasada rond di e misa, a basha asfalt pa minimalisa e molester di stof y e efecto riba e mantencion y cuido di nos Kapel.

A percura pa renobacion y modernizacion di e postenan di oracion.

Structura e infraestructura rond Kapel di Alto Vista

Parlamentario Tromp-Lee ta indica cu falta awor e parti di estructuracion di e infraestructura rond y dilanti e kapel. Y sigur e parti mas esencial, cual ta pa bin cu un maneho pa por garantiza cu nos Kapel di Alto Vista ta keda un luga caminda nos por resa tranquil y haya pas interno. Un maneho cu mester percura cu Kapel ta keda un luga caminda semper respet ta keda demostra (vestuario, comportacion y actitud) y cu na tur momento ta salvaguardia e motibo pakico e Kapel ta asina importante pa mayoria di nos hendenan.

Den palabra di Tromp-Lee: ‘Cu e ta un luga turistico, ta berdad, pero na prome luga e Kapel ta un luga di ora-

cion y pa hopi un luga unda nan ta bay pa haya tranquilidad, pas interno y por resa y gradici Mama Maria y nos dushi Niño Hesus’.

Tromp-Lee ta finalisa dunando danki di curason na tur a haci esaki posible. Tromp-Lee a reuni cu nan tur, plantia

e proyecto y e ta indica cu hunto nan ta logrando pa salvaguardia nos Kapel di Alto Vista. Nos no ta cla ainda, pero nos lo sigui traha riba dje.



Torneo Himno y Bandera 2020

ORANJESTAD - Papaya Ranch Bolas Criollas Team tin e sumo placer di anuncia apertura di temporada di Bolas Criollas 2020 en conexion cu celebracion di Himno y Bandera.

Weganan lo tuma luga diaranson 18 maart 2020 na e Centro di Bolas Criollas na Papaya Ranch den categoria damas y cabayero. E torneo aki ta pa clasificacion pa e Weganan Internacional cu lo tuma luga dianan 24, 25 y 26 april 2020 na Papaya Ranch, Aruba. Tur ekiponan ta wordo recorda pa cuminsa train y inscribi prome cu dia 10 di maart 2020.

Por tuma contacto libremente cu:
Lubert Feliciano cel: 5934345 y/of papayaranch@gmail.com

Papaya Ranch ta spera riba participacion di boso ekiponan na e torneo aki cu ta clasificacion pa Torneo Internacional Aruba fin di april 2020. Alabes Papaya Ranch ta invita pueblo di Aruba en general pa bin apoya tur ekipo, tambe lo tin bar bon surti y cushina cu cuminda crioyo.



ENIGE EN ALGEMENE KENNISGEVING



In besloten kring hebben wij afscheid genomen van

Mike Staring

25/06/1954 - 03/03/2020

De steunbetuigingen van onze familie en vrienden hebben ons veel goed gedaan

Aruba: Liesbet
Eindhoven: Guusje, Stella, Raf en Cato
Utrecht: Tonnie, Katja, Robin en Midas



Señor ta mi wardador, mi tin falta di nada
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa.
Salmo: 23

Cu inmenso tristesa na nos curason pero conforme cu boluntad di dios, nos ta participa fayecimento di mi casa, mi mama, nos wela, mi suegra y nos tanta stima:



Sra. Eufrosia Anita Tromp-Tromp

Mihor conoci como Fachi
*08-06-1949 - 05-03-2020

Na number di su:

Casa stima: Rolando Tromp

Yui Stima: Candido (Candy) Tromp & Jourene Tromp-v/d Biezen

Nieto(a)nan Stima: Jeandienne & Lyrick Pourier-Tromp
Jiandido Tromp & Lizaira Tromp
Chadwick Tromp & Cherlaine Kelly
Canryenne Tromp & Richmar Kelly
Jaidwick Tromp

Bisanieta(a)nan: Alayna Kelly
Zayn Tromp

Mayornan Stima: Micheal & Leonida Tromp-Semeleer

Rumanan:
Rafaela & Dony Geerman-Tromp, Juliana (Chichi), Carlos, Casilda, Jacobo, Fransisco, Panfilio (Panfi), Lourdes (Lulu) Tromp, Maria

Sobrino(a)nan: Florentino Kelly & Mirella Kelly-Geerman y yuinan (Hulanda)
Elvis Kelly, Nereida Kelly, Criselda Pinto-Kelly & Ruben, Gregory Kelly, Dionisio (Donichi) Geerman, Milton Geerman, Gisela Geerman, Marisela Geerman, Ovito Kelly, Enrique & Yvette Kelly-Cardenas

Swa & Cuñanan:
Julian (Joel) Kelly, Donny Geerman, Olinda Perez-Tromp, Roger de Windt, Hubert de Windt, Swinda (Gichi) de Windt, Leandra (Lala) de Windt, (Tutu) Stanley de Windt, Raymond (Long) de Windt, Sergio (Che) de Windt

Tur Primo y Primanan, Comer y Compennan, Bisiñanan, Ex Coleganan di DOW

Demas famianan:
Tromp, v/d Biezen, Semeleer, Geerman, Figaroa, Cardenas, Pinto, Vocking, Van de Meent, Belhadji, Pourier, Kelly, Loopstok, Erasmus, Croes, Fuente, Victoria, Thielman, Jansen, Sprock, Maya, Trimon, Gil, Giel, Wolf, Conradus, Thiel, Perez, Franco, Flanegin, de Windt.

Ex coleganan di DOW.

Acto di entierro y condolencia lo tuma lugar diamars 10 di Maart 2020 for di 9or pa 11or di mainta na misa Sta. Anna na Noord, despues pa santana Catholico na Noord.

Nos ta lamenta cu despues di entierro nos no ta ricibi bishita di condolencia na cas.



Si Dios ta pa nos, ken por ta conta nos?
Rom. 8:31

Cu honda pena pero conforme cu Dios su boluntad nos ta anuncia fayecimento di nos ser stima:



Frederick Efraim Tromp
Mihor conoci como Fray of Frey

*20-01-1957 - 08-03-2020

Acto di despedida lo wordo anuncia despues



Señor ta mi wardador, mi tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa.
Salmo: 23

Nos ta anuncia fayecimento di:



Sr. Evaristo Ras
*26-10-1936 - 08-03-2020

Acto di entierro lo wordo anuncia despues.



Ban cu legria na cas di Señor!
Ki legria, ora nan a bisa mi:
"Laga nos ban cas di Señor!"
Y awor ata nos aki
Para na bo portanan, Señor.
Salmo 122

A fayece cristianamente:



Pedro Celestino Figaroa
Mihor conoci como: "Peti" of
"Meneer Figaroa"
*19-05-1955 - †06-03-2020

Esposa: Marieta Figaroa-Dijkhoff
Yiu: Guillaume Figaroa
Rumannan: Ria y Ety Croes y famia
Ivan Figaroa
Selma y Miguel Nava y famia
Tanta: Juana y Chemmy Semeleer-Semeleer y famia
Swa y cuñanan: Sira y Jan Tromp y famia
†Alberto Dijkhoff y Anna Dijkhoff-Semeleer y famia
Dora y Isais Hernandez y famia
Lena y Rafael Jansen y famia
Milda y Jullian Weller y famia
Filomena Croes-Dijkhoff y †Franklin Croes y famia
Deta y Frido Maduro y famia
Oslin y Maria Dijkhoff y famia
Elvira Trimon-Dijkhoff y †Chimbo Trimon y famia
Fanchi y Milly Dijkhoff y famia
Ester y Renny Odor y famia
Marlin Dijkhoff y famia

Sobrino y sobrinanan, primo y primanan: Figaroa, Dijkhoff, Semerel, Semeleer, Croes, Nava, Tromp, Hernandez, Jansen, Weller, Maduro, Kelly, Trimon, De Cuba, Odor

Oportunidad pa condolencia: 11 di maart 2020 na Aurora Funeral Home di 7'or pa 9'or di anochi.

Ta invita pa e acto di entierro cu lo tuma lugar diahuebs 12 di maart 2020 di 9'or pa 11'or di mainta na Aurora Funeral Home, despues saliendo pa Santana catolico na Noord



Señor ta mi wardador, mi tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa.
Salmo: 23

Nos ta anuncia fayecimento di:



Luckner St. Aude
*30-04-1968 - †23-02-2020

Na nomber di su:
Compañera di bida: Antonette Thorpe
Yiunan: Lucson Mishcsa

Tur su famianan di Haiti y Boston

Su famia di Sea Breeze y e staff di cushina: Giannie, Sofia, marlon, Sharon, Anna, Marino, Maribel, Pamela, Gladys, Thomas, Miguel, Cecille, Aldwin, Willem

Oportunidad pa condolencia: Royal Funeral Home, dialuna 9 di maart 2020 di 7'or pa 9'or di anochi.

Ta invita pa e acto di entierro cu lo tuma lugar diamars 10 di maart 2020 di 2'or pa 4'or di atardi na misa Santa Filomena na Paradera, despues saliendo pa Santana catolico Pastoor Kranwinkel na Paradera.



Señor ta mi wardador, mi tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa.
Salmo: 23


Cu dolor na nos curason, pero conforme cu boluntad di Señor, nos ta anuncia fayecimento di nos ser stima:



Sra. Reinilia Y. Dirksz
Mihor conoci como Nani
*27-12-1947 - †07-03-2020

Acto di entierro lo wordo anuncia despues.

Directiva di SIMAR ta anuncia fayecimento di nos miembro



Mr. Richard Jacobus Wout

Directiva ta Extende su mas sentido pesame na su casa, yiunan, nietonan, su colega nan di E.P.B. y demas famia.

"Dios duna forsa y consuelo na su famianan den e dianan dificil aki."

Cu Richard sosega na paz.





*Mi no a muri ta piesey mi no a bisa ayo
Mi a djis habri mi halanan y bula bay
Boso a keda atras pero no laga tristeza domina boso
Keda uni cu otro, esey lo ta un alegría pa mi alma
Recordami cu hopi amor*

Cu inmenso dolor na nos curason, nos ta anuncia fayecimento di mi casa, nos tata, yiu, ruman, sobrino, primo.



Jeanrald Nayron Geerman
*7 mei 1990 - 4 maart 2020

Na number di

Su casa: sra. Catherine Geerman- Meston

Su yiunan: Jaxson Geerman

Jolyne Geerman

Su mama: sra. Marlyn y Franklin Peñafiel- Geerman

Su tata: sr. Silvester Tromp y famia

Su rumannan:

Jarzinho Geerman y Lucy-Anna Wouters na Hulanda

Jairy Peñafiel

Jazlyn Peñafiel

Su tantanan: sra. Clarina Geerman

sra. Mirella y Tino Kelly-Geerman na Hulanda

sra. Suzette Geerman

sra. Mervine Geerman

sra. vda. Carmen Loefstop-Tromp y famia

sra. Bernadeta Wever-Tromp y famia

sra. Coleta Werleman-Tromp y esposo

sra. Visia Tromp y famia na Hulanda

sra. vda. Suzita Franken y famia

Su omo: sr. Casper Tromp y famia na Hulanda

Su primo y primanan: Joshua Hart y Aschlyn Pedro na Hulanda

Michelle, Melany, Cheryll y Janella Kelly na Hulanda

Cyanne y Hayleigh Tromp

Darrin, Robin Wever, Josephine Winterdaal na Hulanda y Justin

Wever

Y demas primo y primanan

Su suegra: sra. vda. Patricia Meston na Merca

Su swanan: sr. Jesse Meston y famia na Merca

sr. Owen Meston y famia na Merca

Su welo y wela:

sr. Mario y sra. Lica Geerman- Thiel

Su bon bisiña:

Sr. Hubert y Angeline Geerman y famia

sr. Techy y Anna Maria Briesen y famia

Su madrina: sra. Clarina Geerman

Su padrinonan: sr. Tirso Deluvia

sr. Rudolfo Briesen

Su nana di infancia: sra. vda. Nancy Blanco

Su tanta y omonan grandi:

sra. vda. Nanachi Geerman y famia

sra. vda. Lena Geerman y famia

sra. vda. Fabia Geerman y famia

sra. vda. Maria Geerman y famia

sr. Dichi y Marina Thiel y famia

sr. Freddy Thiel

Su bon amigonan: John Paesch, Brian Paesch, Josrey Ridderstaat, Xavier Viaña, Eugène Pietersz, Rudolf Hamlet, Juni Laclé, Jairo Wernet, Ramiro Cameron y demas amigonan na Aruba y Merca

Geerman, Meston, Peñafiel, Tromp, Thiel, Hart, Kelly, Wever, Werleman, Danje, Dania, Rasmijn, Wouters, Deluvia, Maduro, de Zwart, Figaroa, Croes, Britten, Giel, Henriquez, Martinez, Briesen.

Ta invita tur amigo, bisiña y conocirnan pa asisti na acto di entierro cual ta tuma lugar diamars 10 di maart 2020, for di 1:30 te 4or di atardi na misa Inmaculada Conception na Santa Cruz y despues lo sali pa Santana Catolico Santa Maria.

Adres pa condolencia: Paradera 92-A, diadomingo, 8 di maart 2020 di 7or pa 9or di anochi.



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunitesa.
Cado Wever.

A fayece cristianamente mi Casa, nos Mama, Wela, Bisawela, Ruman y Tanta stima:



Sra. Magdalena Tromp-Luydens
Mihor conoci como Leen
***13-10-1938 - 03-03-2020**

Na number di su:

Casa: Sylvester Chamito Tromp

Yiunan: Marlene Tromp

Jeanine Tromp y Kees Hoek na Hulanda

Gregory Tromp y Edymarlin Josefa

Rumannan: Rosalinda Lily Luydens

Maria Ija Luydens

Pedro Luydens y Marina Luydens-Giel

Camilio Milo y Mariska Luydens-Tromp

Unico Tanta: Jesusita Franken-Luydens

Nieta(o)nan: Hiram y Emmi Tromp y yiunan

Candice, Mkenzie, Cypher, Rebecca Wang, Chris Kelly Wang y yiunan Gillano, Quinten y

Vienna, Marley Wang, Jennifer Wang y Justin

Hogendijk y yiunan Desteny y Jurraily,

Rosalinda Wang y yiu Jaden, Jeremy Wang,

Brandon Tromp, Michelle Tromp y yiu

Sobrina(o)nan: Mary y Robby Geerman y yiu,

Rafy y Jasmine Jacoppuci y yiunan, Sergio y

Milenne Luydens, Luis Luydens

Swa-y Cuñanan: Vda. Rosalinda Rosa Helder-

Tromp y famia

Bernardo y Fermina y famia

Jesusita Chita Tromp na Hulanda

Hose Djo y Rose Tromp-Nisbet

Filomena Mena Tromp y famia

Vda. Bearatrix Truus Geo-Tromp y famia

Lydia y Bert Radings y famia na Hulanda

Mario y Tina Tromp-vd Biezen y famia

Mercedes Chedi y Nagib Elhage-Tromp y famia

Ovito Ovi Tromp

Magda Tromp y famia

Amiganan di cas Eveline Bronswinkel

Ex colega nan di Gonzalez y Frasa Trading

Demas Famia: Luydens, Tromp, Giel, Franken,

Geerman, Gomez, Bermudez, Eckmeyer, Frans,

Sanches, Alvarado, Semerel, Semeleer, Helder,

Nisbet, Hayer, G

eo, Radings, vd Biezen, Elhage, Perigaut Monte y

demas familiaresnan, bisiñanan

Ta invita pa acto di entierro cual lo tuma

lugar diaranson 11 di maart 2020 na Misa Sta

Anna na Noord di 9or pa 11or di mainta.

Despues lo sali pa Santana Catolico na Noord.

Condolencia lo tuma lugar na Aurora Funeral

Home diamars 10 di maart 2020 di 7or pa

9or di anochi.

Disculpa nos si den nos tristesa nos por a

lubida algun famia of conocir.



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu honda pena pero conforme cu Dios su boluntad nos ta anuncia fayecimento di :



Julio Tromp

Mihor conoci como: ‘Papa Juchi of Juchi’

*22-05-1939 - 03-03-2020

Na number di su:

Casa: Carmen Delia Tromp-Jones

Yiunan: Julio Cesar y lieying Li-Tromp na Hulanda

Rudi y Evelinda Tromp

Judith y Uriel Tamayo-Tromp

Rocio y Wolter Britten-Tromp

Manera yiu: Gloria van der Dijs-Figaroa

Nieto(a)nan:

Carmen Delia, Julio, Danilo Tromp na Hulanda

Jasmine, Rushella, Rudsinn, Joan-Nina Tromp

Juliska, Bryan, Kimberly, Joanne Britten

Tur su bisanieto(a)nan na Aruba y Hulanda

Mescos nieto: Shaswin Tromp, Dyandra

Albertus, Santino y Gabriel van der Dijs

Rumannan: Domi y Yvonne Tromp

†Jossy Tromp

Vda. Bertha Tromp

Eddy y Fortunata Tromp

Vdo. Joon Tromp

†Nikky y Nelly Tromp

Regina Tromp

Martin Tromp

Miguel y Ada Tromp

Deta Tromp

Sobrin(o)nan: Marisol Lopez-Tromp y famia, Leticia Tromp, Jamil Tromp y famia, Edward Tromp y famia, Selin Croes-Tromp y famia, Elaine Tromp, Dolfi Tromp y famia, Linda Gei-Tromp y famia, Raiza Tromp y famia na Hulanda, Omar Tromp y famia, Luis Tromp, Rachelle Tromp y famia, Milangela Tromp, Gina Baars y famia na Hulanda , Rishella Brete y famia, Mary-ann Brete

Su bon bisiñanan: vda. Carmensita Ruiz, Rogelio Lopez, Rosa Suares, Teresita Erasmus, vda. Mia Guerrero

Prima y primonan, comer y compernan, Grupo Flor di Bini Bini, Ex empleadonan d Web Aruba NV, tur su amigonan y conocirnan di Hot Corner (Skina Cayente), Café 080 y demas famia y tur su ihanan y famia

Nos disculpa si den nos tristeza nos por a lubida un of otro famia

Demas famia: Tromp, Jones, Britten, Tamayo, Li, Semeleer, Figaroa, Webb, van der Dijs, Lopez, Brete, Gei, Jacobs, Wolff, Ruiz, Trimon, Williams, Frank, Frans, Farro, Baez, Zimmerman, Bonarriba, D’Aguire, Croes, Albertus Dijkhoff

Oportunidad pa condolencia: Aurora Funeral Home, dialuna 9 di maart 2020 di 7or pa 9or di anochi.

Ta invita pa acto di entierro cu lo tuma lugar diamars 10 di maart 2020 na misa Santa Anna na Noord di 2or pa 4or di atardi , despues saliendo pa Santana catolico na Noord.

Lo tin un box pa donacion na Wit Gele Kruis



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 09 Maart 2020 Anochi


CATACHI
Sorteo # 7030
9263
0035
9088
BIG 4
Sorteo # 6074
6274
1OFF
Sorteo # 779
6297
ZODIAC
Sorteo # 4833
9655
Leo
KORSOU
Sorteo # 2695
7859
3631
8169

LOTTO 5	
Sorteo #	Joker Letter
0x Jackpot	
0x Match 4+	
0x Match 4	
0x Afl. 12,00	480.000,-

LOTTO DIA	02-05-09-17-28
Sorteo # 5056	Proximo Jackpot
0x Jackpot	
6x Match 4	51.000,-
130x Afl. 8,00	

MINI MEGA	
Sorteo #	Mega Ball
0x Jackpot	
0x match 4	
0x Afl. 500,00	
0x Afl 50.00	320.000,-
0x Afl.15,00	

MINI MEGA PLUS	Afl. 420.000,-
-----------------------	-----------------------



DIARIO 8547-9017-5051

SUPER 4 5480

Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 09 Maart 2020 Merdia

CATACHI
Sorteo # 2852
6230
7038
5341
BIG 4
Sorteo # 2852
1976
1OFF
Sorteo # 908
7724
ZODIAC
Sorteo # 2852
5534
Aquarius

LOTTO 5	
Sorteo #	Joker Letter
0x Jackpot	
0x Match 4+	
0x Match 4	
0x Afl. 12,00	480.000,-

LOTTO DIA	
Sorteo #	Proximo Jackpot
0x Jackpot	
0x Match 4	50.000,-
0x Afl. 8,00	

MINI MEGA	
Sorteo #	Mega Ball
0x Jackpot	
0x match 4	
0x Afl. 500,00	
0x Afl 50.00	320.000,-
0x Afl.15,00	

MINI MEGA PLUS	Afl. 420.000,-
-----------------------	-----------------------



Aries

Bo ta preocupando demasiado pa cosnan cu no ta bal la pena. Bo a scucha cierto cos, comentario of rumornan cu por a molestia bo of molestia bo. No duna esakinan importancia. Number: 8, 10, 12 26.



Tauro

Un encuentro lo bay laga bo un poco confundido. E fin di siman aki lo bay marca un capitulo interesante den bo bida, ya cu bo lo ta biba situacionnan cu tabata drumi. Number: 11, 20, 32 36.



Geminis

Sigui bo instinto. Ciertu ideanan parece ta exagera, pero nan ta bon. E influencia directo di bo astro cu ta guia bo, ta activa parti di bo subconsciente caminda ta forma ideanan cu por genera placa. Number: 1, 27, 35 46.



Cancer

Algo importante ta sosodiendo. Bo ta na drempele di un gran cambio. E contacto ey cu bo mes, lo yuda bo haya solucion y mira bo retonan diario cu un toke mas realista. Number: 6, 23, 33 41.



Leo

Ta surgi algo inespera. Un grato sorpresa lo cambia bo bida amoroso. Den e ultimo dianan aki lo bo logra hopi cos cu te awa ta solamente idea of intencion. Number: 2, 11, 27 31



Virgo

Lo bo scucha un secreto. Lo bo admira bo mes di loke bo bay descubri. Den e momentonan aki lo bo ta na bispo di un etapa caminda bo por recupera terenonan perdi. Number: 8, 10, 17 21.



Libra

Amor ta wardando riba bo. Un encuentro lo cambia tur cos. Probecha cada rato pa ta feliz y lo bo no wordo cu nada. Si bo acerca hendenan frustra, no laga esaki pega bo. Number: 9, 13, 19 26.



Scorpio

Lo bo ta sigur di bo mes. Bo temornan amoroso lo desaparece. Por ta cierto situacionnan a sosode cu a causa bo duda of preocupacion, pero e realidad ta cu bo no mester preocupa. Number: 5, 15, 29 36.



Sagittario

Un duda lo wordo hancra. Ta tempo pa comparti cu bon amigonan. Pone hopi atencion riba esaki. Tur cos ta posibel durante e etapa planetario aki. No keda sorprendi. Number: 15, 25, 39 43.



Capricornio

Ta sosode algo pret. Bo ta sinti bo mes fisica y mentalmente hoben. Ta existi e posibilidad di mira ken lo bay causa bo hopi energia y revitalisa bo mundo amoroso. Number: 17, 24, 35 44.



Aquario

Lo bo konkista e curason ey. Bo carisma ta hopi halto awe. Bo personalidad fuerte y rasgonan di bo temperamento lo yuda bo triunfa den entrevistanan laboral. Number: 7, 14, 25 34.



Pisces

Cambia tur cos cu ta molestiendo bo. E fin di siman aki interesnan sentimental diferente ta bati na bo porta. Ideanan manda bo di un banda pa otro, cu ta diferente den nan obhetivo. Number: 9, 11, 22 36.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Hende
Muhe den Dificultad**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Dokter na warda



Oranjestad

Hospital
7:00 pm / 10:00 pm

San Nicolas

Dr. Veringa
Imsan

Botica na warda

Oranjestad:

Dakota
Tel. 588 7364

San Nicolas:

Botica Aloë
Tel. 584 4606

Servicio di Taxi

Aruba Transfer Tour & Taxi C.A.

Pos Abao #41
P.O. Box 723 Aruba
Tel: 582 2116 / 582 2010
Fax: 583 6988

Taxi Adres Services (24h)

L.G. Smith Blvd. #234
Oranjestad Aruba
Tel. 587 5900
Fax: 587 1928
E-mail: tas@setarnet.aw



A1 Taxi Services Aruba

Moko 56 T
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com

Schedule Maart 2020

			ARR	DEPT	BERTH
MON	09	CELEBRITY SILHOUETTE	08.00	23.59	C
		SERENADE OF THE SEAS - Dept.	****	18.00	B
TUE	10	FREEDOM OF THE SEAS	08.00	21.00	B
		MARELLA DISCOVERY 2	08.00	23.00	C
WED	11	MEIN SCHIFF 2	07.30	20.00	B
		ZUIDERDAM	13.00	23.00	C
		FREEWINDS	06.00	****	E
THU	12	CARNIVAL HORIZON	08.00	16.00	C
SUN	15	MS SEVEN SEAS EXPLORER	09.00	19.00	C
		FREEWINDS - DEPT.	****	23.15	E
TUE	17	CELEBRITY SUMMIT	08.00	17.00	B
		BRITANNIA	08.00	18.00	C

EMERGENCIA

911

POLIS
Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

Centrale Bank van Aruba Daily Exchange Rates - 03/09/2020



Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.28	1.30	1.32
CHF	191.75	192.47	193.27
GBP	2.26	2.31	2.37
JPY	172.50	174.07	175.82
EUR	201.56	203.40	205.45
DKK	26.24	26.96	27.76
NOK	17.71	18.43	19.23
SEK	17.99	18.71	19.51

For amounts up to Afl. 100,000

Invitacion pa dia di San Hose

ORANJESTAD - Dia 19 di maart Dia di San Hose, grupo di oracion "Homer di Aruba uni den Cristo resando Santo Rosario" lo cumpli dos aña.

Pa e ocasion aki lo celebra e aniversario cu un procesion den cayanan di Oranjestad riba 19 di maart pa 6'or di atardi saliendo for di parkeerplaats di Universidad di Aruba.

Ta exactamente dos aña pasa cu Señor Betto Josepa a haya

un vision den cual Señor ta pidi'e pa e hombernan di Aruba uni den Cristo Hesus resando Santo Rosario. Tur diasabra un grupo di homber ta reuni den Hof di Mama Maria na Playa pa resando Santo Rosario.

E aña aki pa celebra e gran acontecimiento aki, un procesion lo ser organisa den cayanan di Oranjestad, na unda lo resando especialmente pa Señor ilumina cientificonan pa haya un cura pa e virus cu tin



Caribbean Cinemas
MORE VARIETY IN PROGRAMMING AND SHOWTIMES NOW WITH 14 SCREENS!

MARCH 6-11

ONWARD
TOM HOLLAND | CHRIS PRATT
Disney Pixar
WITH SPANISH SUBTITLES
PH MON-FRI 6:40
SAT-SUN 2:00 | 4:20 | 6:40
PH VIP MON-FRI 5:50 | 8:10
SAT-SUN 3:30 | 5:50 | 8:10
CXC MON-THU 5:15 | 7:40
FRI 5:15 | 7:40 | 10:00
SAT 2:50 | 5:15 | 7:40 | 10:00
SUN 2:50 | 5:15 | 7:40
PBP MON-FRI 4:20 | 6:40 | 9:00
SAT-SUN 2:00 | 4:20 | 6:40 | 9:00
SENSORY FRIENDLY PRESENTATION
SATURDAY, MAR 7 AT 1:00PM
MON-FRI 4:45 | 7:05
SAT-SUN 2:25 | 4:45 | 7:05

BAAGHI 3
TIGER SHROFF | SHRADDHA KAPOOR
PBP MON-SUN 9:00

BRAHMS: THE BOY II
KATIE HOLMES | CHRISTOPHER CONVERY
PH MON-THU 6:40 | 8:50
FRI 6:40 | 8:50 | 11:00
SAT 2:20 | 4:30 | 6:40 | 8:50 | 11:00
SUN 2:20 | 4:30 | 6:40 | 8:50
PBP MON-THU 5:30 | 7:35 | 9:40
FRI 5:30 | 7:35 | 9:40 | 11:45
SAT 3:25 | 5:30 | 7:35 | 9:40 | 11:45
SUN 3:25 | 5:30 | 7:35 | 9:40

SONIC THE HEDGEHOG
WITH SPANISH SUBTITLES
PH MON-THU 6:00 | 8:20
FRI 6:00 | 8:20 | 10:40
SAT 3:40 | 6:00 | 8:20 | 10:40
SUN 3:40 | 6:00 | 8:20
PBP MON-FRI 4:20
SAT-SUN 2:05 | 4:20
MON-THU 5:05 | 7:20
FRI 5:05 | 7:20 | 10:00
SAT 2:50 | 5:05 | 7:20 | 10:00
SUN 2:50 | 5:05 | 7:20

THE CALL OF THE WILD
HARRISON FORD | KAREN GILLAN
WITH SPANISH SUBTITLES
PH MON-FRI 6:00
SAT-SUN 3:30 | 6:00
PBP MON-FRI 4:00 | 6:30
SAT-SUN 1:30 | 4:00 | 6:30

THE INVISIBLE MAN
ELISABETH MOSS | ALDIS HODGE
PH MON-THU 7:30
FRI 7:30 | 10:15
SAT 2:00 | 4:45 | 7:30 | 10:15
SUN 2:00 | 4:45 | 7:30
PBP MON-THU & SUN 6:35 | 9:15
FRI-SAT 6:35 | 9:15 | 11:20

BAD BOYS FOR LIFE
WILL SMITH | MARTIN LAWRENCE
WITH SPANISH SUBTITLES
PBP MON-FRI 4:00 | 6:40 | 9:20
SAT-SUN 1:20 | 4:00 | 6:40 | 9:20

BIRDS OF PREY
MARGOT ROBBIE | MARY ELIZABETH WINSTED
WITH SPANISH SUBTITLES
PBP MON-SUN 9:25

FANTASY ISLAND
LUCY HALE | MAGGIE Q
PH MON-THU & SUN 8:30
FRI-SAT 8:30 | 11:00

OPENING MARCH 12: MY SPY, THE HUNT, I STILL BELIEVE, BLOODSHOT

THE MAGIC OF THE MOVIES
ON YOUR MOBILE DEVICE

Download on the App Store
GET IT ON Google Play

e economia mundial den su gara. Si esaki sosode den nos pais cu ta biba di turismo, e lo trece consecuencianan fatal pa nos pais.

Ta p'esey cu oracion so nos por pidi Señor y Santisima Birgen Mama Maria di Alto Vista pa pone nan man protector ariba nos pais.

Cu cooperacion di Pastoor Stanislauw di Parokia di Playa encarga cu Pro Catedral e procesion lo ser organisa, na unda tur grupo di oracion di nos pais, famianan, gruponan, scolnan, gruponan uniforma, specialmente politiconan ta ser pidi pa asisti na den e procesion cu lo

termina cu un Santo Sacrificio di Misa na Pro Catedral. No spera invitacion, specialmente nos politiconan, como nos dirigentenan ta boso deber pa tambe resando pa nos pais.

E atardi aki Santisimo lo ser saca for di Pro Catedral pa ta den e procesion, hunto cu e imagen di e Birgen peregrino di Mama Maria di Alto Vista. No tin nada mas bunita y emocionante pa Santisimo y nos Patrona stima pasa den e cayanan di nos Capital pa pidi proteccion y alabes bendicion ariba nos dushi pais Aruba. Medionan di comunicacion ta ser pidi pa duna un cobertura grandi pa e evento aki. Conhuntamente nos lo

hacie un gran exito.

Cooperacion ta ser pidi na un persona o compania cu por yuda cu un ekipo di zonido, cu por ser uza durante e procesion. Por yama Atan Lee na 5628344.

Uni den oracion ta e forsa mas grandi cu por existi pa nos peticion por yega cerca nos Tata Celestial. Mundo y nos pais mester di oracion den e momentonan dificil cu nos ta pasando aden.

Manera menciona, e procesion lo ta dia 19 di maart pa 6'or di atardi, saliendo for di parkeerplaats di Universidad di Aruba.

Pronostico di Tempo

Tempo:
Parcialmente nubia cu un awasero breve

Temperatura maximo 32 grado Celsius temperatura minimo 27 grado Celsius

Bahada di solo : 6:50pm
subida di solo : 6:50am.

Biento:
For di direccion oost y modera te basta fuerte; forsa 4 te 5 (20 te 39 km/ora, 11 te 21 nudo). Den dia fuerte te posiblemente duro den rafaga; forsa 6 te 7 (40 te 61 km/or, 22 te 33 nudo)

Situacion general di tempo pa proximo 24 ora:

Lo no bay tin mucho cambio den e tipo di clima cu tin actualmente. Sin embargo, humedad lo aumenta un tiki den partinan mas abou di atmosfera y esaki por pone un awasero breve desaroya den oranan di marduga y mainta trempan. Sobra di dia clima generalmente seco lo prevalece.

Condicionnan maritimoo/ estado di lama:
Un estado di lama modera te localmente poco bruto na partinan oost te noordwest



ta wordo spera pa proximo 24 ora. Olanan ta for di direccion oost- noordoost. Haltura di olanan lo ta di 4 te localmente 8 pia na partinan oost te noordwest caminda labaderanan modera for di noord lo haci e parti aki poco bruto.

Aviso/ alerta:

Un aviso pa boto chikito ta na vigor pa partinan oost te noordwest di costa y lama habri generalmente.

Guatemala ta lansa su prome satelite



CAPE CANAVERAL (PrensaLibre) – Despues di mas di seis aña di proceso y mas di cien persona involucra den su creacion, nochi di 6 di maart ultimo a traslada e prome satelite Guatemalteco, Quetzal-1, na Stacion Espacial Internacional mediante e capsula Dragon di e raket Falcon 9.

E condicionnan climatico tabata faborabel pa logra e lansamento di e raket Falcon 9, cu a transporta e satelite Guatemalteco na Stacion Espacial Internacional (ISS).

Luis Zea, co-director di e proyecto CubeSat di Universidad del Valle Guatemala (UVG), a splica cu e Falcon 9 ta conforma pa dos seccion, un chikito y un grandi, y cu

den e chikito a transporta Quetzal-1. Zea a biaha na Cape Canaveral na Florida, Merca, hunto cu 11 compañero cu a participa den creacion di e proyecto. E Guatemalteconan por a observa di cerca e traslado di Quetzal-1 den un di e famoso edificionan di NASA.

Prome cu e traslado, ingeniero Victor Ayerdi, co-director di CubeSat, a comenta cu tabatin un fiesta na UVG y henter Guatemala.

Pa Ayerdi, e mayor reto di e proyecto tabata pa no rindi durante henter e duracion, pero e exito tabata den rondona su mes di un team dispuesto pa bay mas leu di lo minimo, y traha den team pa alcanza un meta. “Quetzal-1 ta habri un porta enorme pa Guatemalteconan. E ta de-

mostra cu tin capacidad y oportunidad grandi pa drenta den campeonan nobo den nos pais. Industria di CubeSat ta den un ‘boom’, ta calcula cu aña 2023 lo ta un mercado di \$375 miyon na nivel mundial. No ta loco pa pensa cu algun di e studiantenan cu a participa den e proyecto aki lo habri empresa pa desaroya y bende tecnologia pa CubeSat na companianan mundial, y cu mas hoben Guatemalteco lo dicidi studia ingenieria cu e vision aki”, Ayerdi a bisa anteriormente.

E satelite, cual a desaroya na UVG, lo keda den ISS – especificamente den J-SSOD modulo Kibo di Agencia di Exploracion Aeroespacial Hapones (Jaxa) – pa alrededor di dos luna, te cu programa su orbita.

Lo instala e J-SSOD den un plataforma experimental cu lo pone riba e Kibo, camber chikito cu ta permiti pa obheto pasa entre luganan di diferente presion. E J-SSOD y e plataforma ta transferi den exterior. Despues, e brasa robotico di Kibo ta hiba nan na e punto di liberacion den espacio. Despues di ser poni den orbita, lo activa CubeSat. Despues, lo habri su cuatro antena y manda un señal pa Tera.

E programa KiboCube ta un colaboracion entre UNOOSA y Jaxa cu ta busca duna institucionnan educativo den paisnan den via di desaroyo e oportunidad di lansa, for di e modulo di investigacion Hapones ‘Kibo’ – esperansa – den ISS, satelite CubeSat.

Twitter den acuerdo cu Silver Lake, Elliott; Dorsey ainda CEO

(AP) – Twitter ta bisa cu a alcanza un acuerdo di inversion cu Silver Lake y Elliott Management cu lo laga Jack Dorsey como CEO di e red social.

Twitter Inc. a bisa ayera cu Silver Lake lo haci un inversion di \$1 biyon den e compania. Ta spera cu lo pone placa aki, hunto cu cash na man, destina pa cumpra bek \$2 biyon di stock.


Elliott Management Corp., cu ta doño di 4% di stock di Twitter, lo haya un asiento den hunta di Twitter. Silver

Lake tambe lo haya un asiento.

Anteriormente, reportenan den medionan di comunicacion a sugeri cu Elliott tabatin plan pa nomina cuatro persona na hunta di Twitter y retira Dorsey. Pero e acuerdo nobo ta hacie probable cu Dorsey lo keda. Twitter a cay atras compara cu Facebook y Google pa cu aumento di usuario y entrada di aviso. CEO Jack Dorsey a bandona e compania pa cuminsa e compania di pago Square Inc., pero a bolbe na 2015. Awo e ta reparti su tempo en-

tre Square y Twitter.

Siman pasa e compania a bisa cu tabata test ‘Fleets’, un tweet cu ta desaparece den 24ora, como un respuesta na criticonan cu a bisa cu Twitter no a introduci caracteristicanan nobo na su producto. E característica ta similar na ‘stories’ di Instagram y Facebook, y ‘snaps’ di SnapChat, cu ta permiti usuarianan post potret y mensahe cu bida cortico. Caracteristicanan asina ta cada bes mas popular entre usuarianan cu ta prefera gruponan mas chikito y combersacionnan mas priva.



Segun reporte, pilotonan a restart software causando caida fatal

(AP) – Na momento cu no por a haci nada mas pa stop nan decenso, pilotonan desespera den un Boeing 737 Max di Ethiopian

Airlines a reactiva e software di control di vuelo di e avion, cu ta preveni parada aerodinamico.



Cende e software MCAS a manda e avion den un ‘nosedive’ (caida skerpi), aumentando su decenso for di 100 pia pa minuut na mas di 5mil pia pa minuut, segun reporte interino di Bureau di Investigacion di Accidente di Aeronave di Ethiopia.

E caida for di alrededor di 14mil pia no por a ser controla, y e avion a crash alrededor di seis minuut despues di despegar, matando tur 157 persona abordo, segun e reporte.

E reporte, revela un dia prome cu aniversario di e accidente, ta duna recomendacion di seguridad y pista pa cu e causa, pero no lo haci un analisis te na e reporte final

spera mas laat e aña aki.

MCAS automaticamente ta pusha nanishi di e avion abou. Esey a caba cu e lucha desespera di e pilotonan pa tuma control bek di e avion.

E reporte tambe ta culpa un sensor dañá, cu a conduci na e eventonan cu a trece e avion abou. Y ta bisa cu pilotonan mester a ricibi training di simulador riba kico pa haci si sistema MCAS ta mal funciona. Un di e puntonan di benta pa e Max tabata cu tabata trata esencialmente di e mesun avion cu 737 bieu, y pues no tabatin mester di training cu simulador pa e avion nobo.

Boeing a bisa den un declara-

cion cu ta dunando asistencia tecnico pa e investigacion.

Segun e reporte, na momento cu MCAS a activa poco despues di despegar, pilotonan a sigui protocol door di paga esaki y purba di controla un estabilizador manualmente pa hisa e nanishi bek. Pero nan velocidad aereo tabata 925kmh, cual algun experto ta kere a pone demasiado forsa riba e estabilizador, haciendo movimiento manual casi imposibel.

Entre 5 pa 6 minuut despues, e pilotonan aparentemente a viola protocol y reactiva MCAS, y e avion a cay a pesar cu e pilotonan tabata forsanando e pa subi cu e columna di control, segun e reporte.

Minister Dangui Oduber: Coronavirus lo impacta turismo

ORANJESTAD –E situacion economico mundial crea pa motibo di Covid-19 ta uno hopi serio. Y un di e preocupacion cu minister Dangui Oduber tin ta nos economia cu ta depende completamente di turismo.

Si nos analisa e situacion mundial na China, Hapon y Italia por conclui cu Aruba tambe lo sinti efectonan economico di esaki.

Coronavirus a yega Merca y nos mercado principal cu ta New York. E tendencia mundial ta cu lo tin menos biahamiento y ya caba e industria di aerolinea a pronostica un perdida di 130 biyon dollar. No solamente e industria di aerolinea lo keda afecta sino tambe e industria crucero. Gobierno di Merca ya caba a saca un “travel warning” pa Mericanonan pa nan no subi cruceronan. Consecuentemente esaki lo tin su efecto riba e industria y cantidad di bishitante crucero. Esaki tambe ta wordo monitorea y un plan ta wordo traha pa prepara riba e caida aki cu lo ta inevitabel manera situacion ta muestra actualmente.

Coronavirus a cuminsa na fin di december na Wuhan China y na e momentonan aki mayoria di paisnan rond mundo tin casonan registra. Aruba te na e momentonan

aki no tin ningun caso di e virus registra.

Aruba ta preparando su mes for di varios simannan pa atende cu Coronavirus. E ta un situacion tenso pasobra e ta un virus cu ta contagia lihe y nos ta depende di turismo. Obviamente pais Aruba ta sigui tur e protocolnan y experto y profesional cu ta conseha gobierno tin experiencia pa atende cu brotanen.

Gobierno di Aruba ta prepara pa atende cu salud di nos comunidad na prome luga. Esaki ta loke ta mas importante cual tur instancia di cuido ta preparando nan mes debidamente.

Gobierno hunto cu ATA y APA a prepara un plan di contingencia caba cu lo wordo activa si ta necesario.

Aruba a pasa den momentonan hopi dificil den pasado cu a afecta nos turismo y economia enormemente. Por corda riba 911, Natalee Holloway y tambe e crisis financiero na aña 2008.

E crisis di Coronavirus lo tin su efectonan negativo riba turismo, nos economia, entradanan di gobierno, GDP y locual nos tur ta spera cu esaki no lo ta asina devastador pa nos economia manera cu ta sosodiendo na otro paisnan. Ta dificil anticipa e efectonan



pero ta un hecho cu Aruba lo sinti esakinan.

Nos ta sigui monitorea y percura pa nos tin un plan di rescate economico pa activa esa-

ki ora tin mester di dje cual ta di sumo importancia.

AHATA: Ocupacion di hotel a baha na februari

ORANJESTAD –E cifranan acumula pa Aruba Hotel & Tourism Association cu luna di februari e ocupacion a sigui baha, e cifra aki ta di ocupacion y prijs di hotelnan di tur luna. CEO di AHATA Tisa LaSorte a bisa cu esaki ta prome cu efecto di Coronavirus a cuminsa afecta turismo.

Februari 2020

E ocupacion na hotelnan a baha cu 2.5 punto compara cu februari 2019, yegando 89.3%. Tres hotel so a experiencia crecimiento den ocupacion. Februari ta normalmente e luna cu tin mas demanda cu otro luna den aña.

ADR: E balor averahe di cada camber (ADR) den februari crece cu 2.1% compara cu un aña pasa, yegando \$367.67. Por nota cu prijsnan ta

normalizando. Desde e horcannan den region Caribense di September 2017 Aruba a experiencia crecimiento consistente den demanda y ocupacion. Pa motibo di e extra demanda pa nos isla, e prijsnan tambe por a aumenta den 2018 y 2019. Den ultimo lunanan por a ripara cu e demanda a cuminsa nivela, y prijsnan ta cuminsa baha bek.

RevPAR: E entrada averahe pa tur camber disponibel, na Februari tabata \$328.05 un reduccion di 0.6% compara cu un aña pasa.

Na januari y februari Aruba a experiencia cu ocupacion averahe a reduci. Mientrastanto nos por spera mas reto grandi pa turismo den lunanan venidero, pa motibo di e efecto di Coronavirus COVID-19 riba biahamiento mundial. Mayoria di hotel ta ricibiendo cancelacion di reservacion pa e lunanan nos dilanti y e cantidad di reservacion tambe a cay. Ta esencial pa mercadeo internacional pa Aruba no solamente continua pero aumenta, pa por minimilisa Aruba su perdida di entrada di turismo. E cifranan di AHATA ta basa riba 19 hotel miembro.



Minister Plenipotenciario a reuni cu Prome Minister

ORANJESTAD - Recientemente den cuadro di bishita di trabao na Aruba Minister Plenipotenciario Guilfred Besaril, a tene un reunion cu Prome Minister Evelyn Wever-Croes.

Durante di e reunion aki a papia riba varios tema cu ta concerni e relacion di Aruba y Hulanda. Tambe a papia di e grupo di studiantenan na Hulanda cu ta cay bou di guia di Arubahuis.

Na e ocasion aki tambe a reuni cu director di Departamento di Recursionan Humano Omayra lares. Topico di e combersacionnan ta e proyecto di reorganizacion di Arubahuis pa di e manera aki modernisa e trabaonan y haci nan mas eficiente.





HOT DEALS!

DESCUENTO RIBA DIFERENTE ARTICULO HENTER SIMAN!

amc unicon

SHARP

40" 1080P SMART HDTV

CASH 556,50

44,58 CREDIT

LC40LB6014

Panasonic

49" 4K UHD SMART LED TV

WAS 1160,70

HOT DEAL 1033,50

82,82 CREDIT

TC-49FX500L

LG

43" 4K HDR SMART LED TV

WAS 821,50

HOT DEAL 715,50

57,32 CREDIT

43UK6090

JVC

55" UHD 4K SMART LED TV

WAS 1298,50

HOT DEAL 1219,00

97,74 CREDIT

LT35KC675

TCL

65" UHD 4K SMART LED TV

WAS 1690,70

HOT DEAL 1478,70

118,52 CREDIT

65P65USA

CREDITO TE CU 24 LUNA

Pa Credit bin cu ID valido, 2 ultimo payslip, recibo di Elmar, Setar y WEB. Creditet Prijs ta basa riba credito di 24 luna despues di 10% downpayment. * Tanten cu tin den stock.